



一朵山房詩集卷十一

貴筑傅漢星北著

男壽彤校刊

讀周紀雜感



小施幾事亦尋常望道如何等望洋畢竟當時官易作
一身祇解爲民忙

毳衣心事竟難猜芍藥花邊伏禍胎不是舊條參活去
圍屏誰放眾生回

八百空誇閱歲長南山佳氣久銷亡霸圖到底多忠厚
不遽公然肆虎狼

一條易水謝蜚聲絕好菟裘就此營人坐觀津書報北
終非長計處餘生

怪底蘭陵著說奇便看門下已滋疑何多惡鑄才人性
纔見龐涓又李斯

監軍北去返無期西望全秦事可知博浪沙潛與孺子
一椎幾誤帝王師

讀高祖紀

英雄滿口伸大義動輒罵人逐義帝往復彭城幾二年
無一語及太公事或者未遇叔孫通一切禮儀未遑備

胡乃軍械從東來父子相向同兒戲幸也羽非任智人
每于此處不介意不然真舉一杯如命分爲之子者何
以答其賜生長虎狼薦食餘未免太把詩書易一利填
胸骨月輕斤斤尙說陳平智

讀淮陰侯傳書後

俊骨曾安胯下污臣躬居極例何如一般俱附龍羣起
寸舌誰甘狗漫呼表海背恩成鹿逐回鑿喪魄任雞驅
將軍本亦人中傑論到收場要算輸

讀彭梁王傳

蜀車偏遇牝雞飛鼎鑊薪添火愈威同是負期情較直
不曾一面接陳豨

予笥中有蛇盤踞家人以爲怪作詩解之

貓化鵝飛蛇生足屈曲率然走人屋屋後本是蛇家住
豈止比鄰斷交路紫府郎烏衣客日日如雲聚吾宅蛇
也論理亦其儔旣不能絕那容擇牀角一穴鼯鼠開洞
達恰與蛇爲媒進身亦學蛾穿曲匿影多爲龍結胎呼
僮秉燭穴旁照一道文光如從武庫之中不知磅礴鬱
積幾何年一旦飛上醉卧之身來可惜此時天無霧亦

無雷螻屈蛄盤泥一堆不然嚼口搖尾藤蔓推安知不
風騰日轉而直抵乎萬里之蓬萊卻聞市閒無物如此
毒鉤人之吻此乃速平生一螫不輕殺豈有寬含思報
復何況區區一官不因埋蛇功有何負心應遭酷瑞典
煌煌不列名卻將鵬待亦非倫君不見青童聚此老姬
泣古來逢此當何人

和張平三味海棠
眾芳園裏夢醒時信手俄拈筆一枝且過何須常戒酒
官閒難禁不吟詩錦川遍閱歸纔快春味俱嘗睡恰宜

卻待十分叫雙絕饒他一滴已神移
會憶湘雲縹緲時層層新豔欲燃枝
寒深風雨都成寵名重君臣亦賦詩
紅粉收場無此劇塵紛來客與誰宜
浦陽架上千條燭一例洪爐受轉移

寂寞燕宮又一時收回當路向人枝
不工塗飾偏饒色劇厭阿諛屢謝詩
泉石何嘗肯與在神仙不盡與閒宜
西溪紅杏花開處終節丹缸往往移
豈肯與閒宜翻荷東皇予此時形雲赤玉尚纏枝
春來款洽仍從俗月到招邀併入詩也
爲香消嗟缺陷從無金貯占便宜

相逢儘有新晴笑放眼歐園晷未移
恩光報答要隨時且拭朱唇唱竹枝
海市買綃猩寫照雲窠舒錦蠟裁詩
不兼肥膩名原稱略帶輕濃態更宜
最笑眼餐同此屋竟緣品地有推移

春半方成始盛時蝶黏花片鳥爭枝
引身出海知消劫作色窺人只要詩
位置星軺丹闕穩張皇經座絳紗宜
石湖一拂新鵝綠莫訝全家洞口移

赴滄陽書院講席

買山已分作村夫
採采無端到散珠
敢在此鄉誇齒德

偏多前輩備生徒羊修歲饋櫻廚補印紙僮收醬甌糊
祇笑頭銜銷不去蠅攢手版尙官呼

墨衿幸不厭緇塵門啟侯芭問字頻差勝文移難拙吏
敢誇絲竹聚佳人蒲鞭皂蓋全翻局黃嬭青奴共話因
不想灑溪留鹿洞惜騰世界陡更新

夜起

桑樹雞傳唱甜鄉住不終理衣驚僕婢索火誤房櫳盡
數來星照成團不露籠就茲理新沐出戶款秋風

次日
立秋

禁屠

浩劫洪爐轉庖丁息導批同遊炎帝世都學太常妻骸
積知誰析胎生與我齊本來菘味戀肯使雜菹蕘

賈誼傳書後

一介推擠到噲嬰啾啾宣室鬼神驚翻知一謫君恩厚
風定長沙浪不生

送大兒華新赴省鄉試並示

偏賸名心一點癡秋風獵獵喜難支飛騰未必皆雙雉
奔走無如又萬巖舊跡在梯憑爾踏眞香含桂許誰知
慚予溺宦荒庭訓屢欠親傳寸鐵持

憑誰廣廈庇酸寒朔雪炎風盼一官敢仗馬班摘藻句
癡希平勃賜錢餐我棠有限成陰薄飼鶴無多獻粟難
獨此一經拋未盡夜燈紅處賴追歡

憶自長安共榻眠

乙酉同在
京送考

俄看曉露又橫天花分白

雪幾雙髻海摘真珠得幾船絹抵萬言家尙給甄過三
賦日纔偏矮檐興會應何似不待臨風已欲仙

榜花祇爲幾人開變幻迷離頗費猜鵬舉未嘗無短翼
蝸磨終竟伺奇才也多佳遇浮言累薄有雄心白髮催
徒使頻年豪屋寄饒他閒手嫁衣裁

只論文章不認人茫茫那得有嫌生豈知慘淡施斤斧
已若分明告性情金帖竟宵勞盼想芸窗累代費經營
翩裘惡習祛尤急家世遺多白屋氓

第一先教得失忘斂心於靜養鋒芒野才若箇輪張祐
疵句終然畏李昂金紫羨人生子貴桑榆送客上程忙
皇華知否他年詠先累門間一遠望

雜詩

渾然一大物我與天分之天惟與物守萬古常如斯我
則要任我物外參以私遂令局一變不似生來時堯舜

數大聖極力相維持至道存大概幾微猶覺虧子思作
中庸但將名理推至誠與至聖卒難指爲誰豈非絕頂
事千古無人追奈何區區力欲學天所爲天亦不妬汝
問汝將何基

昌黎闢佛氏寸鐵毫不以晨夕結清歡贈答盡儒禮習
久真白露隙在豈難抵後有程正叔並向禪門徙梵貝
號三藏卷卷過眼底猶恐過於誣先用身摹擬畢竟彼
大錯知心不知理且多譎譯增初本原無此其法如捉
賊先與賊佯比追其情形得然後出賊壘以一師制之

何愁風弗靡或言二公學殆自佛法始是以捕賊者認
作賊人矣意欲象山護其實助賊起
功成例身退此舉始周公嘖嘖流言時飄然東山東後
有張子房亦欲學此終特嫌去近忍借言尋赤松那料
此例開李鄴復雷同居心固縝密亦足覘詞窮明知無
此事故欲爲冥鴻冥鴻即可爲能期不彎弓英雄到末
路惟此庶安躬如謂真有仙何不早施功

杜陵有野老千古推詩聖吾謂此老生但可就詩論若
核其爲人殊與詩不稱詩者理性情次之善辭令立朝

著聞侃遇難守柔順况寄人籬下坎窞莫此爲發口呼
陸抗豈復人情近爲挺之兒者幸亦不置問不然爲座
上能禁黃祖刃勿怪天與才不復予好命百般磨折如
總爲此驕性猶云志稷契稷契豈此硬

金雪亭同年改官廣文道出澠陽以詩見示奉答

二律

大山一望盡卷阿謝絕危灘萬頃波同得到斯皆幸耳
無非是吏奈貧何車當晴走泥原少船順風行浪總多
莫笑山城如斗大元方歸較恐難過

歡場逢處重咨嗟苦振疲羸踏浪花大禮齊聲資萼謫

康居掩面坐湯差

謂蔡定山
周雲峯事

蟬寒徒下無言淚蟣集翻

成遍體痂猶自望撞行躑躅眞將有限逐無涯

漢武帝紀書後

桑孔徒誇心計高能償緩菊幾回勞聽他一夕延年話
百倍邊雲耀六韜

齒痛

造物欺人弱憑陵到齒來那關剛易折直是老潛催承
痛偏於鬢流涎遍及頤私心自安慰無隙謗端開

閒居雜感

擔釋身如贅，鸞跽負鼓藏。市聲臨晚碎，山色受寒蒼。病骨撐風雨，雄心挫虎狼。侵晨花墅過，尙惕露沾裳。官習終愁在，鄉言轉耐聽。僮奴留鈍拙，船馬念飄零。座有雲陪已，園兼犬算丁。行程問逝水，要到幾時停。菜把菘兼韭，晨昏具兩餐。搽多檇亦盡，汲久水都難。屈蠖蟠泥老，征鴻冒雪寒。一般耽世味，到口異悲歡。溘鄉宜性僻，缺望阻家貧。長夜麋同屋，閒堦虎傍人。對官常禁口，望子屢思身。杪忽容誰算，分勞有大鈞。

見好鬪辨者有作

涅槃三毒遠，傳薪底事回頭更。插身野埵決流狂，奪邑庖芻縱火遍。焚鄰千秋冤獄知何限，萬事爭端啟有因。慚愧遺經終日抱，不曾修得似金人。

新卜築鎮遠

茅廬且築潁濱旁，指認峩眉已在望。父子三人齊作客，河山萬里忽逢鄉。天將雲鳥還孤岫，身與琴書共一牀。擬更版名登杜衍，南來睢水當餘杭。

閱盡蠻溪踏翠微，魚龍來路萬屏圍。水橫之字艱船進，

風作顛形捲寺飛，稅減客廛山市滿。
年豐吏跡里閭稀，收帆祇算行登岸。
瑟縮江樓坐杜畿。

漫興

洪鈞一氣轉鴻濛，巨浪淘沙許孰同。
人鬼併途趨浩劫，聖賢無理問蒼穹。
興衰樣照葫蘆畫，夢覺關留窻窻通。
曾把此身為實證，牛乘未盡受牢籠。

世路無多著此身，潛龍行馬盡丹垠。
縱成泉石終同世，徒耀軒裳亦愧人。
巨海斂才趨著述，荒田書券走風塵。
祇須公道提衡判，處處遭逢是好春。

怪底楊朱泣路歧，分明終古一團疑。
兒孫券積憐牛苦，田舍輪翻笑蠹癡。
暗室轉光黎杖火，貧家飾富錦囊詩。
靈修何竟忘功用，不把蒲牢擊夢屍。
不飲何須並廢罇，浮華追究杳無根。
太分皂白愁蟲齧，莫濟行藏悔虱捫。
雞犬求安金盡散，蓂苓畏苦梵常尊。
那能無事孤懷惱，換箇新吾閱旦昏。
僅殼眠餐事亦微，竟拋風月踏塵機。
熊魚取每殊難易，牛馬呼終寓是非。
百里留封支脚穩，一篇洛籍竄名輝。
踏沙遠覓蟲爭界，何限滄桑觸涕欷。

眾山折角水回頭也作居停也作遊鷗鳥非羣交泛泛
雲霄無分望悠悠場當熱鬧衝羣退境伏艱危改轍由
爲有襟懷風月在愁緣顆粒誤長謀
仰天一笑萬波平獨贖靈臺一點明茵溷無心花自逐
陰陽非物象皆呈纏身俗務容誰替極頂元關許我爭
底事怨尤消又起重重閒事擾虛清
寒松剝極到根莖已墮偏枯境又開漫向兩閒驚崇作
皆緣一代送人來災興禹稷肩擔盡哲往關閩口哭回
翻怪昇平非善遇天閑飽養半羸駘

一 朵山房詩集卷十二

貴筑傅漢星北著

男壽彤校刊

讀佛書作

偶現龍身柱下過綴言已到五千多就中但自師原意
醕酒何曾累燮和

推原初論豈全非說到三生理或違在眼如何消滅得
黑風愁更促舡飛

爲炊剔米糝糠連入世原同火裏蓮識得鳶飛魚躍妙
英雄兒女是神仙

累牘連篇署閣藏使臣獻到譯臣忙何多閒筆蓬瀛擱
燭火空門助沸湯
巫史紛紛話杳冥桃弧棘矢託真形人天本自通來往
何怪鐘魚吼洞庭
眞是瞿曇我亦師此門誰料也難支雲堂一卷楞嚴過
爭逐飛塵效乞兒

雜詩

叢箐森遐陬密蒙望如海天風來戛之崩濤聲折鬼一
德神鼓運萬有自然在所以隋王通隱身河汾中不必

致卿相卿相從若龍學積德乃立微幸難爲功
書生初得官北馬遊南地著腳平處慣偏仄苦牽制布
劫成棋打強心學僧計平生所讀書到此究何濟漢官
遷除法半多郡縣吏特於簿領外仍責通經義所以品
較尊時與清要事捕鼠非犬長刈麥讓鎌利揣衣不稱
身何如早退避

城南華勝處一宅盈數畝築樓引雲到闢榭容月走左
右列花石觀者疑仙藪春駒何大速忽落他人手主人
寄籬邊反如司閹守中有一畸士感歎不住口買宅林

芥閒約略避氛垢豈不思光大迅轉愧岡阜遙遙百年
來問訊尙此叟如何不變遷荒遠無人受
鹿邱有野民世以農爲業有戚官衙回高冠而美裕遂
嫌農入微與戚同趨鄴鄴主徇戚請卽以承其乏詎知
席未煖主因事忽踰飄零喪家犬局促失水鴨亟歸尋
舊田新佃已栽插無聊事肩挑籠中猿返峽享慣安逸
樂登攀輒畏怯人生謀食路到此益窄狹頽唐卧路側
除死有何法

初春卽事

旗紙非吾事穰穰自一廬酒錢司業俸丹粒紫陽書無
惱願已足不求身自如融融春亦到並不爲幽居

初夏卽事

萬疊春心盡發皇濃陰廣幕小年長深垂紗帳排歡席
祇有冰盤果未嘗

截住南橋軫不還掉身鱗萃入煙寰滢滢我亦聯觴咏
麥雉桑蠶候賜環

溪水巖腰跨樹飛野雲高館送涼微晨興不信春歸去
一桁慙慙授絮衣

菽漿笋段雜雞豚侵曉蠻奴互叩門幸與拜正殊禮俗
鎮遠以立夏爲節是日用豆腐與雞豚笋韭等菜和爲一盤挨家互送

僑居無地植梅檀架擁楞嚴亦嬾看渾似槐花初閱世
綠天一夢尚漫漫

雲沈峯勢落平野雨過市聲堆一廬百尺桐陰鄰巷借
惟天何處上驕烏

橋邊月夜偶淹留麥隴風吹氣欲秋小吏慣逢偏烈火
客來安石問紅榴

客心一寸候蟲分商略移家寄嶽雲癡絕草叢閒蛺蝶

餘香貪到案頭芸

閒愁偏獨挂蜩蟬蟻鬪蠅營關戰場默坐元關還赤足
抗他熱客累冠裳

潯陽大水行

好山其如水不住排雲駕雨想出路路爲山截不得行
東奔西決激成怒始看勢不過尺許繼乃千里百里赴
須臾溪口成海門居然九河向黔注誰言山居異患免
龍要升天地難管遠浦一宵春水生危樓片刻洪濤卷
白鷗拍窗魚跳梁城封垣陷船齊房槐柳全身逐飄泊

田廬極目悲荒涼家家開門放水入水待不及飛牆立
猿猴得意莫此時一級推擠升一級老羸襁負走依誰
可憐亂踏山巔危萬个紙錢向空擲齊聲呼救惟宓妃
吾生於世本浮寄驚灘惡浪慣吾戲君不見昔日博陵
水打城絕好軒冕泥塗棄一身區區何足惜百年終向
黃泉適濟民奚罪厄重重火攻不盡勞河伯慚我備官
潞河次逢人張口說水利劍鋒畢竟讓舌鋒莫替鄉邦
制蛟恣對水空垂兩枝手茫無一策驅水走蘆葦瑟縮
坐王尊淚灑蛟宮三日久竹籜衣初塞何窮束薪都散

爲飄蓬那得錢塘弄潮客負弩三千當洶洶憐他到老
貪不已不見靈均心不死乘鰲駕螭去匆匆看得妻兒
薄如紙時有一老者見柴浮水蝦蟆人坐張目譟似欲
將此上天告畢竟天亦出無心要問此孽仍爾召君不
見厯陽老嫗三板屋一心如水水不到

水退後居人有失所者余旣憐之復作此以慰

天公何苦太弄巧把箇郡城忽掀倒田廬奪去不敢爭
身世一舟汎空沓懦夫豪子同一哭昨日猶人今如鳥
他鄉片土生重逢落日一飯思再造那復兒女月常圓

一山房詩集 卷之三 五
縱是神仙風亦掃平日拚命狎波濤此身已分魚龍老
百舌屢喚苦不磨直俟切膚痛纔曉此水洗身兼洗心
千般幻妄推不少烏來溫存鹿來扶一箇枯僧下林杪
吾想洪荒未闢前宇宙亦此紛紛擾天教一水洗滌清
使他無地施獍狡然後予以田百畝計畝畫井井開道
嗜欲原滅爭鬪息一代承平安億兆我今所遭豈類此
暗受陶鎔卻不少整頓一番另爲人亂後身家較易保
君不見十丈高堰淮南奔百萬骷髏環一島旁溢邗溝
艘不通借路海游日集蓼茫茫大化東復西許誰獨自
立雲表高樓相值且銜杯人間世事無日了

雨後南樓睡起有懷

梅林雨歇畫依然日色奔騰出亂煙樓對青山飛翠落
榻開卓午帶寒眠筠籤遞判趨鸞路尺券頻書買馬田
獨作仲宣遊局外雙眸冷透景佳天

崔可風以交卸義泉留別詩見寄依韻和之卽贈
日長風靜亂山深忽下雲墩慰獨吟真是名山招好客
何曾吏牘礙文心鳳凰且攝容誰巧獬豸偕歸仗此譴
欲更蘆吹添雅什一簾秋雨話從今

宦轍渾拋有底忙東坡鎮日尙旁皇纂書作偈消塵障
拉鬼供談侑客觴鶴料累人三斗足牛衣占地一弓長
棠陰芘處還私祝射鴨聲中睡鷺望

贈談震溪少府卽以送別

天台山口夜郎西萬里飛虹踏亂梯手跡桂收看鴨戲
哦聲芸繞動雞栖輕風到處揚帆穩列宿需時結舍齊
何意桑榆歸竟速重聯舊雨展襟題

驪聲聞又理吟鞭一路杭香戴好天蠹簡滿門驚到客
蠻花平地看飛仙隨身琴鶴親逾婢繞膝兒孫得勝錢

底事黑流更支腳惹他無數剡藤牽

卽事

驚心呌兀戀蒿萊偃仰谿堂月幾回猫跡瓦翻通屋雨
蚊聲枕聚徹宵雷誰拋閒窟容狐踞卻累長阡并櫟栽
幸不東皇啟饑口分他苜蓿侑餘杯

秋興

驕鳥也竟受擠排潭靜峰深淨若指長陌漫爭皆雀集
幽篁偶坐但風偕半身浪跡遊蛟宅萬里騰身立虎崖
記得寒濤孤嶼湧洪聲如沸撼巍階

霞觴盡態耀爛。編彈指流星妙。轉圓祇道沈舟非。此水
誰知憐玉有。他山聲鶯薇闥飛。鳴入眼盼榆津勒馬還。
猶幸托根松麓固。樵蘇不並疾藜刪。

出山詞四首次隨園韻

量腰猶健又前征。位史空談且暫停。壁在肯同斯斧待
琴張也要鳳鸞聽。幾莖艾色初橫鏡。滿畹蘭花漸繞庭。
底事頭銜全抹煞。一園蓑影溷租丁。

棲爭夜樹浴爭池。屢把行藏問塔師。細草冰消回轍路
鞠塵風暖看花時。渾忘樞險重爲戲。祇算瓜遲兩失期。
去蜀子雲名尙記。青山那易受人貲。

屹立雄關豈突前。呶呶逆旅攬孤眠。蛇藏筭蕨侵南味
蠱竄池臺吐瘴煙。眼顧飛鳶曾墮處。情追叢桂並生年。
碧桃紅杏湖西路。一片斜陽更放船。

金柅匆匆聽轉輪。官郵已促豈由身。幾成原涉難終婦
翻是長安易住人。桃李送行情款款。風雲入夢話津津。
祇憐雨後花飛盡。不是前番踏過春。

述意

倚託惟君父。遭逢況聖明。萬閒張廈坐。百里受田耕。峻

阪過曾叱虛弦聽尙驚休貪路旁悅不是愛駟生

桃源

閒話潯陽醉裏天桃花已在柳花邊此中人果義皇近
底事猶煩兩岸穿

常德道中

朝浴初興忽半程滿江晴日片帆明篙工對客閒如鷺
又是風來替送行

謁伏波廟

不作寒蛙井底鳴勞勞萬里晚猶行據鞍眞可教蠻懾

入畫曾愁類犬成矍鑠精神隨處在英雄心跡要誰明
香蘅一束臨波酌我亦風雲絆此名

上灘

賺得桃源路偏教閒五谿可憐篙力盡不肯浪頭低徒
有形如鷁慚無翼作鶻所爭纔寸級如此費攀躋

大龍道中

雨後村邊路寒煙凍不飛湖聲臨郭斷春色趁人依世
業農原好鄉情古太違倚樓長笛起羣目注巍巍

過澧州

亂撥紅蘅碧杜行平疇如罨展縱橫煙莎盡露春來意
風樹猶聽浪拍聲片畝市塵蝸暫寄一肩輿路馬同爭
尋思未免便宜占減得江湖半月程

公安旅興

湖外盤盤拓地長東風吹暖上征裳塵奔喜熟思原路
雲出憂閒歷早方身有兒隨奴輩逸客偕春到酒家忙
最憐一隊同巢雁尙被蘭牽未渡湘

一朵山房詩集卷十二終

一朵山房詩集卷十三

貴筑傅漢星北著

男壽彤校刊

謁陸象山先生祠

崇祠孤湧萬峯裏白晝冥冥亂烟鎖客行畏溼此少休
茶竈松房安插妥圖書萬卷藏何處但見靈臺一寸炬
靜坐不覺身墮空乾坤儼另闢門戶偶噎何至並食棄
勿怪紛紛來羣議雖有功臣如姚江已成鐵案難翻異
大江東去路日苦泥陷沙沈詎堪數果得惺惺常此居
亦勝荒蕪一片土

鄴下懷古

岷山渤海互爭雄
二室三花竟孰同
亂塚香銷烏鵲月
荒臺春埽豆箕風
荆關苦太輕
劉備髦劍何曾殺
孔融
怪絕養豚偏較異
杜鵑啼處幸江東

屋上草

攀條附木竟何曾
拔跡公然最上層
雀頂髮披爭日曬
龍衣羽化假風騰
文餘片瓦嘗邀護
花寄低檐轉受陵
從此得生還更樂
長叢金埒斷超升

偶成

軟塵西角老藤東
屈曲房闌料峭風
吟得一詩償一債
竟忘身在百忙中

京中里館消夏雜興十首

半畝城西屋源源
到客車是誰餘此業
自昔住人家駸
市當扉闢烟村隱
巷斜眠餐原足德
况復避喧譁

數點梅花意推移
到此觀羣生安頓
好帝力報酬難
赤日驕叢葦黃雲捲
異瀾設身棋局想
翻覺旅懷寬

氣候朝猶爽紅妝
浴罷新一番花際
遇百倍鳥精神茶
竈添薪急蛙塘應
鼓頻高眠差較穩
不觸長官瞋

夜色寬如許長廊旋旋行市收聲入漏客賭興飛觥衙
散閒難遣兒隨學易成慰人偏泛宅別夢不叢生時將移眷

到京

兩翼風停路雙瞳水涸秋無錢供馬飲有語謝蠅求不
少名人識會無片刻投寒庖足升斗萬古汗湯遊

雪海船歸候雲堂且過人平階都怕滑盛世敢言貧

衣桁飄絺美鮭餐佐韭新等思俱過分奈此始衰身

金錢撈骨健鸞鳳壓頭偏水畔張高閣花時做綺筵人

情渾是孽過眼也關緣不帶十分冷長安豈易眠

虜革紅塵裏南天斷遠望夾衢堆菜把侵曉進駝行疎

懶賓遲答憂勞病暗防燭光儘騰煜一味早秋涼

也愛田廬去誰揮賣賦金望山鄉失眠聽雨舊攢心冰

潔依如佛炎威畏到禽幸無交炙手詩界不來侵

梁苑歸黃憲湘川泊李邕謂杰峯太史南臺大令一家南國燕百

里夕陽峯霞氣層城上秋光晚徑逢癡貪吾亦戒祇要

得追蹤

送黃杰峯大令之官河南

驪歌纔被錦囊收謂李南臺又送汪洋水別流少室好花攀

到手茶泉舊竹間
從頭量安黃堵那無恙
鼠竄紅窩歲有秋香座
一移風便轉斜陽猶及
瞰飛樓

雙栖紺宇忽形單
夢入槐天駐馬難
最慣填荒惟賈島
真能耐冷幾袁安
吟鞭共羨揮塵軟
拄杖終宜踏葉乾
擬趁樊樓燈滿候
來邀綠綺理鰲竿

記夢

俄入靈巖舊日羣
清芬傳誦座中聞
浪誇竹里重生鳳
將上蓬山迭唱雲
半世行藏憑草斷
萬花榮悴自根分
果然天更憐忠厚
敢向寒燈告苦勤

京門待選有感

燈燈軒窗日正東
鞭花鈴響過匆匆
堂深夜緩停琴月
水曲春遲放棹風
鹽米告貧都盡路
箏琶排悶竟餘功
看他執蓋都門餞
也在臨淵一羨中

移居城西里館

蛇飛蝎墮埽荒寒
塗飾聊施又一觀
偶爾居停仍喚客
本來飄泊豈緣官
長途挈眷支持便
白首依人位置難
就此移家尤善計
兒孫狎昵盡鷓鴣

榆青柳碧壯居華
脚定頭伸勝卧車
肯向南金侵廣廈

忽成西壤住全家食單按口刪繁冗兒塾依庭遠狹斜
擬更槿籬編隙地客來看竹問黃花

薰風客面洗炎埃苦戀黃金數倚臺從古人多遊北學
誰家園更向西開鳥鳴鷓鴣仍橫耒花遇芙蓉祇舉杯
七十二沽閒眺望邗舟猶未大通回

時有留
河工意

張家灣小憩

四面層隄裹邗行路盡頭萬艘爭地着百里趁晴遊雅
館輕貧客青山媚故侯淫霖秋漲日曾自此淹留

務關晤管平熙參守留宿即贈一律

一官同醉保陽厄路轉仍逢喜不支上馬時看翁欲舞
割雞地在我猶思浮家自較從軍好愛客渾忘下席遲
惹得桓桓諸小校斜驚談塵似戈麾

楊村小憩

川上村家好閒雲小住宜常餐鱗族備偶步雁奴隨地
爲通津雜船貪載買遲一般受人牧當此有何爲

翟宣三同年竹陰洗硯圖

一卷書萬里路四十餘年恩恩度不知消磨幾許龍賓
與虎僕纔得到此翠竹之深處到君此處誰與偕一片

端溪橫高齋人海浮烟無日斷怕他習染常摩指霧飛
鸚鵡眼並露塵落蟾蜍光不埋獨憐無數薔薇魄膠連
漆注難擠排君不見元鳥之旁石戴土當其融結如水
乳一旦土潰石亦裂嶢嶢滿地缺誰補金井玉溪隨地
有偏要學箇饒太守萬杪貧管高通天一圍葱蒨細穿
牖我輩嗜好亦何常終是此君尙可友迎薰一曲南窗
吟百斛閒愁被驅走硯乎爾亦盼君否鎮日一編猶在
手杏花筵上揮萬言尙待爾力始開口竿頭煜煜紅烏
耀指認青霄不日到此地不知又落誰那容鄧禹坐旁

笑我聞平明東觀開于于良士京洛來精瑩對面不盈
尺騰耀無窮胸中才用之虎穴覘覆藏天風吹夜泉琅
琅記成赤雅獻當路豈止草疏飛巖廊慎勿羨我分符
好研朱捺粉爲一飽細雨騎驢有路歸一硯心太平庵
老

題龍樹寺二絕

人間無地著金錢蕊殿琳宮看轉旋二十年頭槐下坐
何曾說此有龍眠

共醉陶然尙有亭琉璃春盡贖空瓶苔階莫笑橫僵丐

會受薰風一味腥

驟雨

甍涸疑無分長天雨驟盈江山知久待笠屐悔遲成野
展縱橫勢簷飄浙瀝聲想他來不測亦恐累人迎

對食嘆

晨興巾櫛初脫手雜然杯炙紛盈口何人所授何處來
祇覺當前已我有豈知司籍冥冥注雞豬魚蒜食有數
不足則補餘則折此中不會一人誤奈何一餐百錢費
尙向庖丁說無味充腸壓胃需幾何已竭天地無窮類

念我同居一物耳胡爲縱我酷如此他生孽報不可知
一點養生心已死瓦盆積芹蕘堆菜昔日清風憶尙在
百般辛苦曾親嘗忍更驕盈誘兒輩嗟吁芸生日出紛
如戰大都爲此兩餐飯坐而享者或前因否則拚身以
力換君不見老農冒日當午鋤造物何曾輕恕渠含哺
鼓腹未敢必四體先已無完膚又不見川陸代人役肩
挑足踏萬里積翻嫌生世爲贅瘤何況妻孥更交謫我
輩勞心自一例平生曾作幾件事無多歲月嬉遊過有
限精神亂紙做日進盤匱心已慙矧問所由盡君惠

偉哉希文真賢輔每日所為必一計
題陳定齋先生玩易圖

山深斗煥絳堂開返首經遊我尚孩
堆卷一龕兼俎豆
遮寒萬厦剪蒿萊提醒醉魄探心出
疏濬儒源引道來
獨愧靈根遜蘇幼希文在眼識瓊瑰

可曾

溲水官歸踏軟塵忽成香火一重因
敘來前令曾尊甫

康熙中先生尊
人曾宰豐潤
讀到遺書果異人寒暑松過心自古風

波屋打座如春取攜實具無窮樂
怪底研尋老此身
書宋史李綱傳後

不要身家不戀官孤忠獨處眾人難
恨他懦婦軍中

從此天涯客淚彈

書虞允文傳後

采石江頭遠橋師公然敗復一人
支筆平生也共談風月

卻破藩籬另出奇

秋興

不信清緣造物怪月寮烟閣遍人間
崖花對客矜高潔

田雨過秋落曠閑屋占數椽鄰更借
詩餘寸帙老猶刪

迴翔愛爾南歸雁寄嶽雲舟共載還

賦險有感南龍孤容綠雲俱共流

亭畔思平子池邊憶仲文一家萍泛泛雙髻雪紛紛舟
轉逢泚水琴張過棧雲舟來林屋坐猶未上斜曛

劉次言揀發貴州贈別

浦珠衣舊耀秋輝烏化雙鳧萬里飛在我只如擠席讓
於君要算得鄉歸密光緯逼原同棧水味谿嘗似勝沂

記否龜蒙山下住風餐塵土敵朝饑君籍四川原官山東

擔挑最怕老孱身底事迢迢拜泥真位次原殊虛待已
衣糧終勝苦依人兩居互憶俱天末一隊初聯忽部民

無限田間農父話垂聽還望鑒酸辛

餘瀾升岡臥爛柯頻年生計在山多平無里半難成畝

險據州全不注河禦餒竟甘雙膝割近年多販口者支貧偏耐

一肩磨不知何意貪尊佛屢擲金錢奉刹那鄉人有力者樂助修

廟三平兩

吹笙擊鼓遍村家四面屏風疊翠遮穩臥何殊勾漏穩
狂來真可夜郎誇秋橫隼野山無瘴月上霜天塞有花
愧煞軟塵聯騎處間移瑟縮尙盤蝸

題黃山谷作牧童騎牛詩後

聞歌枵觸慧心生宛爾黃塵作湯聲畢竟醯雞費君嚼
頻年駒犢傍轅鳴

題王夢湘珠江重艤圖 山燕散民土銀天塞有春

佗金分盡一身輕依舊乘風向粵行未免神仙太無事

三年兩度踏長鯨

一嶺梅花喜欲顛飛來舊雨燕踟躕虞翻一枕遊仙夢

浪打濤驚斷又連

金盞玉斝酒千巡踏月披雲眺海垠歷歷羅浮峰四百

一回看較一回真

越臺西望鎖烟蘿屈鄙梁陳化蝶過幸有白沙吹不散

羚羊終古受生多客又誰一冒絲窠曾對香書蘭子隱

海鳥頻依也怕嫌寒帷鎮日盼新蟾勾人偏是江頭語

客路聽來比荔甜臨嘗舌象盡盤和鼠鱗粉甚羨金醕

一曲盧奴玉館環此來只作法珠還珊瑚樹裏龍家認

不到桑成總萃般幾出詣幹此尊非黑來天志在尺書

摻得龍文似鼎扛蓬壺歸受眾城降卻愁未煖柯邊席

星月輪翻又此邦發韻氣外雙魚煥淋漉雨重細語

題辛未同年龍樹院雅集爲宋芸舉作半爲山

魚雅迴頭憶匆匆竟廿年追陪仍似昨問訊半為仙冀
野騰吳駭盧溝泊楚船扉依雲更欵榻對雨重聯誰道
春將盡遙看日向延轅駒噴齶齶徑鶴仿踰蹊冷曲開
坊外高槐亂葦邊愛他龍得地導我馬來天志亦丹青
託材都湛露全息陰宜賜輩制毒費臞禪其下容開社
吾時例做筵猊鑪翻雀舌象榼聳豚肩饑飶芬凝金醕
醪蕊噴簫形忘輻鎖釋搥戰鼓旗連集密刪投刺談深
抵寄篇可憐三宿客又結一層緣洛會懷耆舊蘭亭溯
禊賢繪聲鴻爪馴琢句蕊珠圓賂本無心合人終仗影
傳倦遊孤臥處展讀料向然

傳倦遊孤臥處展讀料向然
恩恩爭赴桂林忙

興安雜詠

界畫蒼梧野靈源水一泓懸花驚吏老塞馬仙
關餘秋色半衙飛鳥暮不須更緣飾等是此
離水仍潮水唐家又蔣家香齋猶帶楊柳風

魚雁迴頭遠處多
野騰足履盧溝
坊外高槐亂草
春將盡處看日
託材都湛盡全
十時刻刻
一朱山房詩集卷十三終

二 朵山房詩集卷十四

貴筑傅漢星北著
男壽彤校刊

入粵口占

滁田捨棹踏沙黃
一色喬松百里長
對我青山都似客

恩恩爭赴桂林忙

興安雜詠

界畫蒼梧野靈源
水一泓縣花驚吏老
塞馬怯途生踏

圃餘秋色坐衙飛
鳥聲不須更緣飾
等是此蚩氓

灘水仍湘水唐家
又蔣家香翻猶帶
鳩力捕幸非蛇鼠

跡填松滿蠻煙繞竹斜
春琴鶴畔竟未息鞭撻
躑躅縣西偏荒荒太古天
人家飛鶴外客路老杉顛
窟在狐原守巢焚鳥便遷
深愁施控馭無此好長鞭
時楚
猶滋

興安縣志

羽檄兼程下攤緝疊唱籌移
胥充甲帳賃馬廣庚郵台
秩星頻過河隄水亂流
嗷嗷尤灌客堅不走全州

自遣

長風號野雨連朝休共流鶯
怨寂寥日白沙黃歸馬後
一羣寒雀冒霜飄

登三清界

在縣西

此生已分鷲鷗傍每盼青雲久甘讓不知何處山風來
忽然卷我置天上舉頭竟敢紅日觸拱手直與眾星抗
本算一重好天塹巨靈驅補邊庭曠縮盡升猱跋扈形
逼出飛鳶戰兢狀騶步半梯幾百休人煙九點但一望
絕壁陡懸雄雷裂老楓枯卧宿嵐釀芙蓉避瘴稠列屏
薜荔曬潮屢橫桁孤撐龜負古塔盤羣插隼驚強弩放
參差崇幹發旁枝凸凹巨海翻駭浪叢聚難居獨秀名
環列都帶特立相俄而天花滿空墮玉山頽去旋復向

僵得蜿蜒龍不行卧待洪鈞來火炕危橋線細絕攀援
落葉膏滑愁跌宕徙倚中止僧寺無迴翔下視客魂喪
馬倒豈逃蛙井居雕落定入魚淵葬乃知人生遇輒軻
正似此日涉巒嶂喬佗何計更能施賁育有力不足仗
惟有屏息安此心戒飭著腳且莫妄世途險隘亦何常
偶爾巍巍旋蕩蕩八十三參少一參緣還未了債豈償
倚磴仰天忽大笑此官真似剝宿樣倘教天外猶有天
吾生所造正未量

山行

披紅冒綠鳥翩翾野水沄沄遍插田一線縱橫過馬路
十分明白曬花天宦身偷得遊原偶民志歸於聽已偏
卻減鞭絲收帽影防他雞犬正幽眠

江華搖變爲集鄉勇防堵有作

短衣披長矛執一隊貔貅排墻立錄罷整妮送出門雄
猛居然飲飛匹此輩論材原可爲祇要當官有錢給膚
革充盈妻兒贍義聲一呼勢自集螳螂偶爾沸英皇吃
疸葫蘆聞已及書來不日可凱旋豈似黃山白嶽急護
郭隄決江水分束火筒摧竈煙溢能禁羝羊不觸藩要

使放豚仍入苙林林鳥合眾一羣隱隱蜂屯天半壁中
有追胥四十人都向軍門受師律惜哉經費有常經宦
橐僅餘書幾笈不然類此爲區畫匪特禦侮效微績竊
鼠潛飛蝕蠹消先去腹心一大敵
夜行
披衣行過渭橋來

蘭塘竹堡馬聲催燈火光中睡眼開也似有言聽不得
清豁幾忘走瘴鄉團團宵露着衫裳前程望去仍如漆
頭白奔騰倍悚惶

混沌無端忽換天深深榕樹鳥酣眠不知何事嫦娥急
爭渡銀河較客先

一例邯鄲道上經兀居獨自守惺惺山松夾路風濤起
祇作槐根噉語聽

書所見

大道卽身具不因仕隱殊奈何身已出幡然思樵漁樵
漁亦人境豈容子獨居往見博利子治生愁術疎托身
崖穴間墾闢施勤劬始焉但榛棘繼乃皆田廬從此不
得靖縣城來惡胥片紙探懷出金錢傾所儲一時傭丐

者譁然亦聚閭斗升肯遽退劫奪窮力圖伎求遍親串
望濟同追逋甘瓜寓辛螯白晝飛雄狐計或姑避得天
壤復何途悠悠璇極高佳麗浮黎都朝昏宕真氣块然
充九區狂馳胡自苦覲面逃匡扶靖守絕愚妄淵淵仍
返初因應妙身世明晦焉能拘

哭妹十首

方諸萬點淚初收盼斷嘉魚路盡頭

白甥隨余赴粵至嘉魚病歿那

料入山風更惡一枝荆折又江州

鵲令羈緒與誰論尚幸天涯有妹存菖葉杏花寒食路

一盂麥飯灑青原

日高竈突黯無光芷水蘭潭路杳茫
搽得嫁時釵半篸

添命債值辦朝糧

此生終勝嫁黔婁無復憂虞與命讐
朔雪炎風局閣坐

傲入多少別離愁

一回相見一回危
憂憤填胸說向誰
愧我官貧兼遠隔

不會傾囊問盧醫

生已安排作半人
偏經手著偶回春
私心從此天涯慰

尺護泥蟠得欠伸

病為半身不遂業已就痊忽以產亡

跡世行身

匆匆一別判存亡徒聽牙牙雁一行擬助行修傳妙語
遙呼靈駕返稠桑
曠面中閨忽喚娘温存翻說嫂差強尤愁破臘天寒甚
雪白蘆花遍體藏
露下家家結柘壇書來剛直會孟蘭可憐剪紙招魂處
布施連添兩盞餐
重闌幽絕許誰親堂北陔南入夢頻得汝侍旁應備養
不知能否替兒身

題棧道圖

南褒北斜一千里危巖峻壁盤折起中有牛渚及雞頭
全體飛入亂雲裏是何神工運斤斧破碎乾坤乃若此
初如巨闕相對立萬趾網驟行弗及鐵索金繩紐鎖施
一髮迢迢鼠空碧四圍仄突械竭成壽藤古竹填罅密
吁嗟乎柴關馬嶺陳倉路萬古浮客銷魂處天陰雨黑
杜宇鳴白骨橫陳燐亂度胡爲垂堂不知警猛虎爭隘
羊競渡聞說膏腴猶關中橘柚鬱鬱苗芘芘自刻羣雄
統天漢饑鳥渴驥奔無窮衣粒生計固自好其若一蹶
藿粉同摩詰丹青小癡墨殘本舊爲漁洋得但聞歌聲

滿紙飛未見龍從生咫尺何人徑造思訓廬持取此圖
懸吾壁將毋得隴妄思蜀故呈天險做客足粵疆自昔
號葱嶺詎少怪奇供遊目憶昨縣西趨碌碌馬頭勢斷
羊角續鞭絲帽影望不歸妻兒驚我天上宿世間何路
非崎嶇豈必棧道眞登臨矍鑠眼中有鳶跼康莊畫裡
聞猿吟翻幸長安惜待選不把西行一笑羨不然婉轉
急灘絕巘間安知不似浣花老風摧雪虐魑魅瞰長廊
側卧迴環看茫茫百感來無端行人跋馬武功縣靈碣
西望何巒吼一隅偏坐未數紀崩頽尙不如曹瞞更異

兩京蒼黃棄幸得此間作退地長城自壞強鎮雄東分
西裂亦陵替此意當時誰能傳今對瀾滄殊殷然擬向
筆所不到處更抹青天高空懸

興安卽事

倦栖何暇剪榛荆略殼眠餐又解纓家具愧呼羣從領
詩囊驚占一船撐雞頭磊落孤飄石馬麓表延舊築城
莫小彈丸輕試手焚絲一例困書生

余宰興安幾及一載毫無寸善而是邦人士以省
例居此缺者必須量移調劑恐予卽去具呈大府

預懇留之予感其意書此奉答

歲序如流駒奔馳何太速百事未及爲倏忽又逢菊菊
寄東籬生與人固異族不有雨露濡能禁機勿感晚圃
秋風吹深黃間新綠登高視我民胡乃猶械械此邦素
多盜浮踪遍水陸每到苦無聊狂謀謬算蓄長程何孤
舟白晝擁豪屋米鹽豆油茶壺金貝玉隨其所遭遇
橫陳恣踏蹴或虞追捕急糾集防身獨申之以誓盟藹
然兄弟睦耳目若有覺成羣虎出谷鼓強助侵掠乘弱
肆污辱非不拾遺物其奈寄荒麓毘連無數村屏藩但

古木賊來如探囊門徑揣摩熟所有隨取攜何日就縛
束倉皇赴縣城拉輿向官哭急標籤一枝立限三日復
誰知差滿衙此輩乃素畜摻緝緩比刑何如留魚肉從
此風愈熾城市不安宿團結爲守望齒長署頭目意亦
保甲仿勢捷追胥捉無何行之久弊又種種續尋劬更
申憤毀垣並牽犢甚有私刑設背官擅拷鞫往往功變
罪原被俱登籙善政若治水源清流豈濁所以凡百事
莫先裕菽粟以此廉恥根邪惡賴滅撲愧我稱父母環
膝失撫鞠日睹相爲非祇解逞笞扑安得佈地金輸米

千萬斛剗此爲盜本爲國止殺戮俯仰無良策對此恒
瑟縮元何翻戀我大府前匍匐齊爲寇公留不共秦客
逐亦知天公道非受我密囑迹終涉沽釣徒滋歎且愿
簿領日勞勞豈我性所欲蘆溝漚水間十載行躑躅疲
羸履險惡何適非顛覆幸而天見憐一憂脫庶獄攜累
走牂牁誓老守鸛鶴那料蠻犵心也似蠶蠶酷一硯不
容安憑空布謠咏遂乘日尙早再轉邯鄲轂客歲季秋
杪桂水停碌碌偏值鄭台州廣南需作牧兩旬席未煖
司檄又敦促入境眺形勢萬笏森矗矗中間水一泓盤

折三十六其外千畝列其旁兩隄築居民數萬家粵人
尚楚俗梗楠杞梓材時或遇鄉塾西聚爲獠人踰越類
鴻鵠就山排作五世世守耕劬尤善別土宜沿坵種修
竹盛夏車田過清涼散一服如此絕佳境何負遊客囑
天心應念轉連日降霖霖起看禾芄芄歡騰到雁鴛悲
哉昭峽中烽火何煜煜蹂躪及吾儕較慘羅兵鏃始知
一貧抱視彼似爲福何更作癡貪得隴又望蜀嘗借前
席箸通核所入祿爲金二千餘本勝餐苜蓿無如扼衝
要來往送迎瀆支絀既夫馬狼藉更殺菽可憐一壺冰

何能饜鄙黷寒廳汗潑衣暑夜淚流燭伸爪攫稅錢破
胆動倉穀豈不畏帑失例許遷地贖此身處此時正如
竊發塚及小尚可藥滋蔓誰收局乃聞諸父老沿鄉尙
僕僕爲我積棉力重九躋堂祝一衣與一織流傳良勝
齟煌煌例禁懸敢向當路觸急托婉道意無爲務繁縟
後來多上居一甕豈算足但願此鄉聚雍和相勉勗不
見一紙來吾已嘉寵沐

試童作

一番池草又春生朗朗虛堂一鏡橫瑟縮滿門飛鵠影
迴環萬紙走蠶聲都依桂產按應易況有榕遺棄敢輕
三輔九州無限路風塵肯問說猶清

下嶺泊社水

偃仰隨椽遇縈紆耐蟻磨煖騰煨榘椳昏破失嵯峨背
郭田千頃嬉春鳥一窩殷勤梅外月作色滿軒過

哭熊巨川

人人有此日而君太嫌早嬌嬌黃口兒甫離二母抱三
年不得見踏遍帖頭草白日爲無光哀鳴慘孤鳥世路
何足戀一涉已了了縱令居百年不過多一老又知此

後身是何劫來擾側聽痛楚聲何若眠一好
讀王君玉遺事有感書後

盟手曾從夢裏求記程飄督也揚州不知可似王君玉
顛倒奇零算鶴籌

一 朵山房詩集卷十四終

一 朵山房詩集卷十五

貴筑傅漢星北著

男壽彤校刊

署中雜詩

世人愛有三東坡無一好每每車所至結屋避堂奧過
客盈萬千屐齒無一到猗猗數竿竹排簷誘清眺揭來
秋雨多清響滿窗闌兀兀復何知一卷古桐靠

素癖老益甚所到稀交遊胸中事橫塞有如森戈矛出
口無宜理好人皆仇讐賈船縣門集先問來書不百錢
易數卷制此無聊愁惜哉世千古一身惟兩眸勞勞簿

領中一閒不易偷兼以歲駸駸霧花晴不收雖日對嘉
客何益茲身謀

粵西省最小官者每不欲久坐一尋思亦有無窮福美
衣賈不售鮮食市不鬻席斥挾伎臨船禁抱花宿佚遊
少佳地浪博無宏局有時婚壽值草草應已足偶或過
鋪揚道路咸側目何處列宦場似此好風俗耳濡而目
染不止挽漕樸刻剝與攘奪破除萬禍酷客造有司庭
蕭然寒士屋排日返親串逐隊散僮僕彬彬兒若孫亦
少紉袴毒晨夕訟庭旁只解抱書讀

偶成

文人自昔重謂能通古今入世決大務虛堂高鏡臨羣
物無敢瞞況乃幽且深末俗失命意專資邀紫金紫金
不可得愁坐耽孤吟輟犁拾腐塊造室加尖岑其咎自
坐妄吾悲先喪心

重陽

慳風澀雨又重陽紫蠓青葭喚客忙一檻芙蓉窗外立
探他消息尙微茫

題田洪詩後

壬辰閏九月初十日

蘆港杉堦路驚迎第一人吳家烟屬盛粵館道場新事
或期兒輩衣偏著此身無須細根究等是醉中春

見署中桐樹有感

舊吏遺嘉樹孤騰合有年幾經盤錯力豈與動搖緣秋
入看逾古蚤吟苦太顛是雖蒼碧下排解各還天

卽事

窮山白晝走猩猩雜鳥纔生也受搜威多空含驅獸力
閒蛙旁奮守隅聲池萍幸賴身迴舞磨馬終難迹浪行
俯仰河東殘轍在不應浮瘴掩幽貞

閩重陽與穆耕珊蔣月川兩太守梅野橋慈西橋

兩明府作

一團佳氣滯東籬依舊儂來作主持高譙記會離幾日
名山登竟得多時菊留晚到原逾分雁自南歸轉緩期
等是天涯雲一片何妨秋圃散遲遲

小春將屆忽漫漫一枕鐘聲聽未闌風雨有因來定慣
樽疊無恙飲誰乾已偕桂隱還添壽卻笑蟬吟太盡歡
日晚垂虹亭一憶不知誰又勸加餐

官城面面聳嵯峨遮駐殘秋不放過花已決歸齊展限

日都作餞忽回戈倘如春價增應倍再遇饒題欠更拖
底事物華天不寶零星分我較常多

是日爲
予生辰

也知去後費相思多自歧亭住幾時世局大都贏更競
風光肯謂杳難追欲呼白雪聊姑待偏爲金柑獨強支
一嘯勝他頻執燭勞勞長夜補遨嬉

清香疊疊翠重重一盞茱萸兩度逢月投衣來仍舊物
風吹帽落尙狂容要看畫錦心纔足盡遇元規興肯慵
不揣老懷當此會慇懃也甚踏前峯

何須榆塞苦追尋儘有桐材可作琴淺水連番催蛤出
甘蕉疊韻振蛩吟難教銀霞饒雙髻總是蠻煙積寸心
幸賴回天來鉅手扶搖同埽萬重陰

隔江裊裊一痕煙故作徘徊不肯前疎樹雙雙防果落
層霄隊隊看龍聯何曾小厄參楊數信有重離繼鶴年
一攬遠山好蒼翠爭教寒信不遷延

疑他六子氣相連分作先天與後天極力桑榆工點綴
關心菘膾苦周旋蝶衰翻喜情多定蠅老終嫌喘尙延
偶爾杯盤狼籍處橫空結響撼松堅

出省至陽朔道中

兼旬金鼓厭追陪一葉湘船背郭開萬怪都憑山狀出
微涼多雜雨飛來暫寬刺促真如鳥肯與周旋只有梅
十日畫家騰駿道惟聞欵乃震林隈

立春口占

天馬從西去梅花另卜年萬千紅紫信躍躍綺窗前

江行卽事

灘水泠泠繞郭長輕舸如葉趁斜陽菜花江上春先得
一色金鋪麥地黃

河邊賈市水中家竹瓦梨磚繫客槎畢竟一江爭不盡

春來零碎養閒花

怪底墟名尙喚戎行過江曲日南通三湘七澤人如海
祇欠蠻司負弩雄

鷗鷺俱同候吏忙迎新送舊大堤旁卻嫌喧雜驚漁宿
別占磯南水一方

題夏鼎甫乘風破浪圖

天風平地吹浪起並力止船船不止快哉此行真叫絕
一發倏忽數千里始於百花洲畔江後乃漸達蒼梧溪
就中最惡惟瞿塘險逾江湖暨滇水兩岸猿聲當客啼

亂灘裕訝土花紫稍一蹶足蛟鼉同百祈詎復有歸理
然而貧苦爲饑驅時亦牽連飄到此君也生長名人家
何亦一葉奔如駛將毋羨他青雲好立身穿渠繞港爲
所使男子之志在四方援之爲例固應爾獨念乘風破
浪行揆諸易象太壯趾幸也船中總不載一錢神定氣
直心若洗不然同居大化掀簸中安見獨我能行得岸
艤君子跬步不忘親垂堂尙自兢兢矢此是乾坤何如
境乃敢茫茫拚身邇我日莎廳歡接待覲君容儀筆難
擬忽然展轉披斯圖想見危疑震撼裏一片豪情兩健

脚自甘跼踖愁跡弛就此收帆原亦得奈有鵬程待君
屢且前且卻又奚必但要篙良與舵美驚湍駭浪何處
無我觀最堪尤桑梓

經王文成公行兵處卽戎墟

奇峯連互亂藤蟠跼跼飛鸞處較難那料吉酉聞講席
都來灘水樹降幡籌邊何在空繩禮讀奏方知不是禪
擬更就公論戰法摩崖書與眾儒看

良知一點瘡煙埋六萬餘言塙忽開突犯故應歸索取
同居終竟費疑猜七旬格豈長驅力八姓收都有用才

不是臨機先此輩連岑蜂擁屬誰推

梧州春燕以絲竹觴輪流到縣容畢賦此

貧吏忍貧作豪舉排日張燈讌歌舞訟庭俄改爲歡場
印席都挪置牲俎坐者同郡文武官次第幕中眾賓侶
人生聚會良獨難何幸一齊萃斯土東西拉雜親獻酬
昨日猶客今作主鋪具責胥遍括掠食單揣性細刪取
紅妝兩隊錦簇花銀燭千條暖回黍側廈地餘填僕奴
沿街籟靖吼鉦鼓梨園差免數朝饑蒲響還停三日苦
公然富家兒比強誰說儒生氣帶腐豈知此筵亦劇臺

袍笏一卸淚如雨雞猪暴殄以丐償倉庫侵虧乏術補
吳歌楚調又誰家百般蓄積一朝吐寒燈靜對月敲門
孤琴三尺悄無語

題趙柳南燕詒圖

人生兩條路畊田與讀書我輩祿代耕那能皆蓄畬所
幸有此卷庶以安微軀獨嫌因執掌日勞同吏胥已且
廢書嘆何邊兒孫俱而君乃不然鑿楹堂之隅清俸所
蓄積盡購羣籍儲衙散無所事一編攜幼居或執經而
問或繞膝而呼好風吹誦聲琅琅鳳將雛其旁植幽蘭

春來生意敷承之以桂樹雨露紛涵濡自從竇謝後此
風多載無是誰作主持輪流歸汝愚想亦命意時萬事
經躊躕僅僅有此物或足光門閭多金亦自好終非昌
後圖所取稍非宜毒流還有餘如何日汲汲勞已殃及
孥所以二疏歸有錢但賓娛以君與之較其樂應何如

卽事有感

兩盞寒鮭一桁裘榻來也算願粗酬遮身邑卸憑誰托
待哺禽環爲客愁斜徑春多蜂慣覓平疇風利馬難收
驚心日暮林根望未了頭番筍又抽

陽朔山

一入陽朔境萬山森戈矛那得此防衛便此遊客遊遊
客固愜意其若水與仇灘石相遇間搏擊無時休客船
介其際跼跼飛鳶伴退避旣無地排解將奚由畢竟山
自若終不於水尤百般任摧盪寂若幽人幽是何神鬼
王遍體加雕鏤人間有萬態一一依樣偷忽而卓筆立
忽而新筍抽忽而芴插手忽而弁壓頭忽而塔飛空忽
而桅植舟忽而孤樅險忽而落木道種種犯眞宰唐突
奎與婁幸也漢在天終古常安流否則齊抹殺豈非髡

禿囚昔讀南山詠指數約略周對此欲一問誰去肯獨
留鎮日撫舷望羣雄交兩眸吾當天柱擎詎作憂天憂
望雨
一雨滅炎瘴春夏得更好涸灘挫石稜燥壤起芟稿三
日忽不來滿原縱朱鳥眾芳受凌鏢有如人醉倒汲盡
漢陰甕神色強撐曉須臾復頽唐半春過草草此材與
世毫無關榮枯何足爲悲惱君不見近日農田初插秧
當得此火幾回燎

題朱麗堂少宰小照

餘得琴邊半日閒銀衫芒履對溪山石甘長臥供官着
花故低開就穉攀廿載江雲何處去渾身吏俗偶然刪
問君曾否菱波照不是衙齋接我顏

元禧黨碑在桂林者今尙存援筆作歌

名人動念思不朽好事臨頭忙下手滿世蜚語攢如蜂
換得千秋譽滿口君不見昔日左元仙伯初立朝謬種
陳陳窮秋毫一時附和如魔起敢違忤者咸欲刀此輩
不去禍且至先清君側羣言妖可憐四百六十人歿追
生竄無一逃朝廷法盡相猶瞋詔書忽下呼安民勅令

京畿暨郡縣刊此黨籍懸鬻門將使聞者受者警從此
無敢來批鱗詎知石立反成幸有意殺人殺不勝祇此
寥寥字數行直把爰書盡翻正如寶榮名世長享此事
正關公等大福命章蔡何力能陷人但假毒手顯貞性
竇燕銘羊峴涕我於此碑亦此意視他天子喚姻家一
陣腥風避無地太清與晏會幾時俄驚霧黑東明寺悵
望儻雷星日間何若蘇家兩昆季應變毀殘何太早確
鼎煌煌亦碎倒珉珣幸不瓦礫埋尚有尺幅寄荒獠想
亦防照韓淮陰存卹要費粵王心丹桂一枝榕萬樹都
來照拂難辭任急搨一章掛廳壁每日從旁面一觀獨
愧吏庭塵俗深有辜佳客扇風激

不問題署中大榕樹入絕巖向文晉非恐驚臥奈綠樓
不圖樹海掉身回又睹人間破格材高有百尋圍亦丈
問他經閱幾朝來歲歲南邦累吏供或許幾株松可憐萬顆紅珠炫
雄猛神威霸一峯同心或許幾株松可憐萬顆紅珠炫
歲歲南邦累吏供五樓七塔豎層層偏是雲霄勢敢凌漫道無光薪且棄
承天爲廈茲猶能承天爲廈茲猶能

掀窗拍戶怒濤聲倒捲梧江壓郡城夜半虬枝風跌宕
全衙還詫爪牙生湖長雲霄接始對對戲無次薄杜寒
摩天竄地狀無常忽作坡陀湧客堂幾載圖維施刻削
就中疑有佛身藏同心短指幾林必可變萬藤成紫
軒窗翠鎖晝沈沈遍地雲流綠上琴樓外月來無一縫
春陰留到十分深又湖人間好林高有百餘圍亦
不借龍孫鳳子扶隨風天矯尙支吾我愁漢柏秦松對
也要如楓變叟呼翠出香風風幾
碧梧丹桂竟誰從餘地偏教客膝容愛絕汪洋黃叔度

全家消受墨雲供

謂霞浦

一 采山房詩集卷十五終

一 采山房詩集卷十六

貴筑傅漢星北著

小泉篇

一 水發荊州東與洞庭遇
延回五溪長泛入南明路
四山不停飛一泓忽勒住
對面烏納迎兩腋龍番護
漿冷斷壘涎鏡平埽瘴霧
沒磯鼈穩眠列岸蝮遙度
風雷喧巨壑魚龍跳羣樹
浩浩幾懷襄泠泠自朝暮
憶昨歲大旱入野禾盡扑
鄰翁爭汲取僻處難廣注
否則天壤閒不少用泉處
聞通艘出淮堰刷畝復瓠
清淺蓬萊畔萬

方神漢赴古亭涼月涵丹地碧雲布彭祖等并觀陸羽
爲峽誤遂屢塗泥親時教坎艮悟貴山貴豈爭富水富
奚慕儼聖亦厚誣竊溫更召妬涓涓去復來惟此是所
務旁植但桑榆同游半鷗鷺明晦占誰家舳艫過有數
蟹眼徹底明蝦文斂內固轉因小得全永絕波濤怒
續題賓谷中丞賞雨茅屋文集後人南則說四
未忍刀圭誤後賢密抽新穎細斟泉等驚梁苑枯嘉樹
肯爲牢盆廢蠹編墨路迴車秦漢合邢家移座沈徐連
陸宣何止談功業六代全經吐納傳

方寸無端五嶽橫紉青媿白苦經營何曾銓級矜高立
終是曹劉慶再生楚些蛇飛秋有淚雲間鶴化夜無聲
不圖天竟斯文護佩印野江領健兵

簿領盤盤金粉橫卻聽稷契話風情及身看到雲來牖
脫口驚如月占城巧掇販囊誇纂組奇技芭篋亂韶英
可憐作者商邱逝削盡鸞觥草又生

一曲泉流檠戟旁潘江陸海謾評量戴天我敢星辰狎

相馬公會牝牡忘

劉松嵐觀察贈公句有云相馬未容拘牝牡調琴自要叶宮商

稷水

樂篇容竇附寒郊才艷待韓揚黃金也擬南豐鑄學箇

遺山奉子昂

見四老人手談戲作

一鐘分後忽歸齊取次高吟抗日西
錢老壽誰誇獨得
商山圖竟許重題亦知結客非因熱
卻笑爲民已不黎
底事鬪心猶未化旌紅連日手中攜

題李秋屋爲尊母建坊紀事詩後

一張媢罵口世人遇輒走我獨笑答之不與較可否
一日飯罷蝶牀坐屐響忽穿竹叢過手持一卷南陔詩
擲向書頭要吾和急呼守門僕移茗屋後屋細把君身思

然後將書讀暑雨經旬初破昏倏然風雨復飛奔四壁
商音雜哀意滿紙淚眼添新痕乃知君之文章有所祖
不出於父出於母養兒生兒課兒成冰雪萬層宛可數
讀罷此詩意冲舉題後更下一轉語世上人人說教兒
我道教兒先教女君不見鄴侯架外書聲亮一校彤管
並籤放不代夫死代夫生教得兒如夫一樣

寄題飛雲巖

不知何處大風扇破空飛來雲一片風行到此勢轉強
吹得雲如奔白羊南方冬早晚寒重起視荒崖雲忽凍

赤鳥火烈盤空驕雲已化石烘不消人言黔山怪且多
但從皮面瞥眼過要知此山最佳處豈肯輕易向人露
我從山外入山腹熊蹲獅卧不一足雙螺倒插鼇窟翻
急湫盤渦互相觸古柏如雲橫巖端雨渥滴翠晴翻綠
雲心變幻不可測蜿蜒西折忽約束終朝瀑布作雷吼
疑是霖成下界走零花碎錦紛如積我欲揀之藏一酉
想他身世亦人耳置此塵關不得已安得滅此飛揚跋
扈雄一例崖石頑到底

讀宋史書後

無端風雪裏袍黃仍繞陳橋出汴梁良嶽花飛森石骨
樊樓沙竄黯燈光肯將媼相酬邊塞誰指西湖作帝鄉
癡絕圖書誇巧製可憐都化劫灰揚燼與正華山巖賦
李孺人八十自江右入滇徵詩賦賦許遊香小羅
章門之北曰金谿天靈寄屬嘗於斯不但人文控歐越
卽論巾幗亦多奇問余何以知其然晚菊先生曾告之
告言有母曰徐氏厥弟立三及其兒當初嫁吾李氏門
與伯依倚無或離藎薤非白夫子相德音容功家人宜
無何天意多慘烈忽教西風來相吹一夫一婦各一處

天人相望不能隨彼時年未及三十立去甫出從大師
母卽之死矢靡他直栽弱枝成高枝遨遊江漢楚黔關
於滇之陽賦結禱於今生兒又長大日能誦書亦能維
立三顧此亦淒然遙迎伯母江之湄俾見今朝子所得
皆自當年母所爲今年懋紀正八旬華堂齊進瓊漿厄
晚菊先生與予厚清秋叩門來徵詩細將行迹悉心聽
言之使我心骨悲浩然攬筆發長歌歌與五華山鶴知
此後松枝須護惜要當海籌加慈幃新集西園詩帝鄉
題美人獨立圖詩東齋山竹詩吳興林派森百首

念家山口人如玉日暮天寒立荒谷胸前金瓶誰所贈
荳蔻花風漾新綠紅牆豈眞萬里遐牆外更比酒還濁
君不見生絲帳裏人一人承恩萬人哭

上陸題黃秋圃秋晴種菊圖
細草穿石出孤松拔地起一山從後圍倚松如隱凡山
下萊數畝荒久無人理有客呼圃丁遍種菊於此烘色
有夕陽灌根得清水豈必晚節誇人生行樂耳澗水繆
君時用舟忽南馳到君種菊處值君種菊期其中爲之
圖圖成屬我詩我時正踞牀兀坐愁雨長開門展卷看

滿身翻晴光籬闌四五叢淺白間深黃似感栽培恩依
依君身旁磊磊瘦石頭猶餘一層秋欲著我其中未識
君許不
干笑聞古芬刺史過縣卽席有贈
萬金揮盡一編孤旗鼓紛紛並一途不想風塵猶見此
全翻窠臼祇容吾反身各有烏懸鏡歷劫終愁免守株
那得客舟長日住天光雲影送蒼梧哭

題古芬道照

靈犀一點透無垠天地家藏盡與人認得真吾非兩箇

烏紗原未換緇巾

法華兜轉便强臺一路桃花送客回翻覺大千尋自在
津梁終竟要蓬萊

周季修同年出宰安徽未及二載而擢至道戲題

一絕

一朵宮花最後開忽驚躍馬出塵堆聽他勅勒悲歌處
人半收場我正來

卽事

秋高瘴落遍飛鳶一片空明雨後天突起波瀾江漲外

紛來艦舸嶺雲邊無錢助膽難爲俠有矩懸心不憤圓
遂使舌尖鋒鏑勵齊圍松島弄雕鐫

隔場秋稼漸如雲竟舍農勞越畔芸卅載居行會獨信
一官負載豈旁分閱周俗事原通道報到親恩更策勳
蒼意昭昭應善計盈池耀壁漫欣欣

沙和慘盤雪壓檐酸寒自合抱雞廉勢成窠白翻何益
語帶弦韋住不嫌失木饑鴟花際宿漫山毒霧雨餘添
眼前縱有蒲帆便何處能容小隱兼

風滿秋山月滿林燈紅椀碧坐宵深全忘得失空談奕

齊化成虧別鼓琴入世細思緣甚事臨幾只是問初心
荀瓜甘苦分明在肯冒狂風漫解襟

紀事

連宵達旦雨琅璫蜚語鶉音度耳忙一例皇程催客上
防他殘夢戀梧桐

審盜有感

凍雀飢猿盡罹辜攀來皮骨半雕枯強形轉憶情原惡
罪本遙探吏總誣餬口萬條生路絕持身一點善心無
如何更作升除具怪我爰書與眾殊

梧州大水紀事

喉舌乖方咎兆開一痕黑旨望炎隈連宵風雨掀江立
隔嶺蛟龍挾海來浪打梧巔飛匹練濤春藤罽走殷雷
嗷嗷聽得鄰翁語目擊滄桑又一回

灘頭洲尾路漫漫勢要長流詎敢攔過井泥撓冰鑑濁
礎山氣逼火光寒突衝列宿探源隱潦倒高秋送爽難
從古洞庭誇八百原連蒼野壯遐觀

掀窗揭瓦透層層咫尺違天喚不膺亂艇塞衢成港泊
全家趨阜學猱升誰居潮首兼能督祇冀雲尖早現鏡

慘絕浮骸紛集蓼乘波盪望老漁曾

跼跼飛鳶豎不牢懷賞孳眷轉移勞泛槎得此真稱快

砢岳愁他太抗高遍地布功教眾飲大家歷劫許誰逃

傳聞蝶盛花繁處瞬息還傾數萬艘佛山水勢尤大

浮蹤幸不庾倉經急遣纍囚寄掖廳賈宅雨滋生苜菜

農疇秋潦舞蜻蜒道逢話惱顏如紙廟聚焚香氣帶腥

居民多移入廟者猶勝江湖千萬戶同時江西湖北諸省俱被水嗷鴻哀雁

達遙聽

桃花無岸燕無磯一洗如抄舉目非鮒涸反貪臨轍救

蛙卑也任解城圍移時市米同珠貴撒手宮袍等羽微

謂藤縣不是近依二千石浮生何處指家歸習齋太尊捐金為修

費築之怪他金氣妙孳生上年猶變被兵纔斬長蛇又巨鯨帶水拖泥

民慣事乘風破浪吏常情也疑髮載陰星入風言邑紳李仁山援

例奉檄入城由予孰使榕留惡鳥鳴三四月閒鴟鳴不止問之術家云主

大一吏果能消眾厄何幸沈馬戀餘生水

岡腰嵌屋樹橫舟也算平生一勝遊何必宦場纔有海

要知人世本如漚臺端有劍都深祕岸外無帆不暫收

忍暑違涼巡稼穡幸他全境半崇邱塵土平灑欲具心

感事

萬政此官始一身民命依獨絃成響細寸木稟材微悍

鷲攢岑隱傲鴻繞籥飛專心事翦滅總與病根違

普定庵總戎過以所見示有贈

豕破原焦賸此身來依赤水問前因御杯幾換黃墟主

脫劍俄驚孔座賓長慶嘯歌成誦易君喜談樂天詩西平衣鉢

受傳真君為吾鄉李軍門所拔起江干半晌彎跽對又使元規去斗

塵

昭平道中

暴謔鄱陽避秋風縱棹行石腰殘漲迹枕角亂灘聲靜
不因山得涼多自雨生菊花又重九獨酌過昭平

咏鷹

危峰森立老拳張奇思橫飛怒目望兩載冰花迷草黑
一條雲路黯沙黃強支瘦影衝鵬鷲肯惜孤身冒雪霜
何日鳩臬就脣吻深愁星闕下未將

重九日舟中無事以舊所作詩重讀一過有作

年光懼虛逝所涉便存注積久忽回觀生平歷歷具心
寸陰亦寸抵折適如數如何對兩丸苦說留不住童心
一點在壯態百般露幾忘說自家轉問客何處吾生重
有爲千秋只旦暮不見魯陽戈癡勞要有故

旅感

晚林黃一片遐眷動孤舟宦計緣竿鯁前程跨犢猴絲
袍慳范叔監粟背莊周毀裂全憑尉何人減督郵

秋風雜神行有勝殘流逐枕角亂灘聲
四時皆自雨生秀花之重九獨醴過昭平
所發亦以秋風來背其風雖變全無燥可人越管
林黃一以秋管傳秋其由

秋風

一 馮試出諫府娘靈數忘結自
一 架山房詩集卷十六
一 架山房詩集卷十六

一 朵山房詩集卷十七

貴筑傳潢星北著

男壽彤校刊

梧州臘月大雨行

粵西無事不詫異大雪不來大雨替迢迢一月火山中
起枯潤稿無遺地似將來歲先支銷絕好明珠龍亂拋
此際一盆忽傾盡夏至憑何滋良苗憶昨粵江水顏東
掀窗揭瓦聲拍空旁川曲澮疏不及頃刻城郭摧崇隆
或者此乃餘勇賈無盡西江吸還吐曉日微微驚欲開
墨雲片片望又補遂令日南多暑鄉盡轉地氣成朔方

白晝客來正揮扇俄而夜入披裘裳沿堤原隰何芊芊
菜甲花堆金滿田盤露涓滴亦足濟宏施矧乃當殘年
梅花消息渺何許一隊白羊向空阻翻似雪月黃熟時
淋漓透快受恩溥宜春帖字看模糊帶水拖泥同鷗鳧
柏蓋椒盤幾家備可憐債逼猶逃逋凌亂臘鼓響亦歇
絕似殷雷挂峰北金姑聲息都不通更誰炙手能人熱
卻喜牛岡馬峽間居人畏雨斷往還桂苻望絕兩手垂
瑟縮三月潛深山鎮田吏庭何所事惟製餓餒引孫戲
猛記焦頭爛額時轉覺點滴盡膏被

予嘗病喘艱於步履漫賦
吾衙有老僕問年七十六長我尚廿年奔走疾於驚我
亦等此身同行何踳踳進升愁級多衣被厭裘複只緣
氣充體原若直立木自爲斤斧戕寸度忽收縮所以眾
形動垂垂首先屈作勢成凸凹丹田互起伏衝逆胸喉
交呼應恒不足咳唾無時停雙膝軟若束疲哉病喘牛
何以答人牧

廿年前有術士推予陽命至五十七歲而終今五
十八矣自元旦而來忽歷七日作詩誌之

梅花丰骨玉精神了了前期竟不真滿樹雲敷家慶色
連宵風掃路緇塵登臺本視春如夢貼帳還驚日轉人
幾朵紅茶舊相識屠蘇何幸對頻頻

題劉蓋之從軍圖
小築蒿營別住師殷勤訓練不虛時肉居那肯岑參怨
要到胥庭筆一枝木自爲元令此七
笳聲雜選震雙軒虎穴熊岡冒險遊也算無回新閱歷
抵他百遍古人謀
甲帳桓桓布列明脫裝平視總蒼生何須另覓鸞栖處

了得茲行政已成
似那詩壇作將壇吟聲風達遍樓蘭有時兒女羣中立
卻當英雄一箇看
撒轡抽毫露布書全銷金甲事春鋤無端來佐牛刀割
烈烈還驚勇尙餘

遊冰井寺

梧郡東門東有寺曰冰井作醴供取攜附垣受管領是
何俗纏身一遊屢未允將毋奉佛心不與大吏等威利
迫脅之能勿兩腳整決意命輿夫來朝換煙艇趁此簿

書閒名山探妙景見井想彭祖回環細觀省輾轉萬條
痕玲瓏一片影巨柏橫長棹碎機織修梗入眼清到心
漉肝爽透頂金容紺宇藏寶刹紅橋引檀氣生橘橙鐘
聲靖鼃黽隆隆瘴癘鄉何年結此境宜乎元次山欲去
總不肯第思此井前梧江萬千頃藪停鯨鱷居波作艦
艍梗茲也乃支流何故不同逞想亦漢陰心息機懺灾
肯遂如無錢官一壺寒味永占屋西倚山梅花向客請
陪僧兩三箇都似冰樣冷君不見對門山色紅如火熏
得鳳凰棲不妥氣盡煙消白日歸一團頑石何適可

與馮少渠遊漫泉亭諸處

幸不春陵值捫心亦漫然事都歸夜理身竟受花遷閣
轟江全納塘橫市遠懸孤留泉一井常住小禪天

縣西田家

春入晴日多老農四體活立田弄耨耨向晚猶勃勃生
男四五人多半中田割餘則驅誅茅夕陽待客歇斗米
易百錢終歲足衣褐筠簍挂犢鼻雜木道旁掇一聲布
穀催清明感節粹松檜古墳邊短笈紙煙撥
過江村更好側行步忽展縱橫挺篔簹護此腴田短深

叢住人家家家受綠卷
晚食帶霞餐晨興就露盥
惜哉略近城市客戶常滿
傳聞有耆翁孤坐一屋
褊傷心蹂躪多時出危言
勉

江行

夾岸花開春水深
晨光煜煜春江明
綠野人家雨初足
茅檐叱犢披煙耕
南來一舫疾於鳥
出港穿渠共春早
客中忽憶瀧吏言
此行所得差不少

將卸蒼梧赴百色任

一日不卸事終多
一日憂去去無所適
又苦成罷休惟

有將去閒此意良悠悠
案疑不強決客過惟粗酬
印接待省轉倉盤期歲週
郡衙免晨謁佛寺償春遊
哀集寄心賞濡毫成跡留
尤聞思與田守土歸吉首
吏到但申轉治理嘗優優
着我於其間眞如稱身裘
公堂當講席廉俸充束脩
劇宜攜續兒鄧林披瘡摻

卸任後移居郡東之試院寄邱穀泉

新移雙榻寄桑間
藤月梧雲共往還
畢竟不如君計決
長歸抱看浙西山

橫州過灘懷伏波將軍

嚴灘遠岸曙光分
鐘磬聲留過客聞
連日桃花新漲足
一層秧綠一層雲

銅鼓聲存且漫呼
歸來惹草況如珠
看他烹犬將軍謝
恐亦當年嗜好誣

客過此獻犬一隻土人云將軍子素好犬

如此風波竟敢行
何人更與說功名
一官自笑頑如石
虎鵠空描兩不成

漠漠輕煙雨亂拖
春船風送出巖阿
篷窗昨夜雲猶在
卅里蠻灘一飯過

署中感興

春光淡淡雨霏霏
松閣經旬坐翠微
插架有書分客讀
抽身無策共官歸

謂邱穀泉

蕉鏗雨屋琴三弄
鴿舞蘭階穉

一圍但取圖歡度
晨夕何曾黑海盡飄衣

永清道中
客路隨雙槳
緣溪淺復深
宿雲封樹罅
亂石碎江心
市散墟留月
農收畝集禽
移舟就衙泊
清夜一聲琴

夜泊宣化懷王文成公

梅閣衝沙立
蘭橈傍驛停
灘聲長夜雨
漁火一船星
講學臺孤賸
行師路遍經
可能對蒼赤
但與說虛靈

到百色任有述

浮踪飄泊又蠻津碧馬金雞結比鄰貼木瘴開山刻露

扼江灘盡畝橫陳敢當虎穴同誇伎時關九差勝蠅叢

漫插身底事溪茶怪一愛詩來苦戀壑源真

崇岡再轉越裳分船住人家馬結羣善養那愁蠻氣託

孤羈偏易土音聞黔人甚多榕張廈芘官仍邑鵝散城居政

亦軍設恃曠閒滋玩忽荏苒荅踣跡向來文

和秦梅橋見贈原韻

自旌招得李璵萬山懸甕竄閭閻認真作吏非無事

乘便安身亦有慮入局百回當路踏量功幾箇古人如

翹車幸不高郵絕灑潤毫端補腹虛

即事

北斗初臨漢高樓到未遲泉聲花外滿樹色夜來滋長

笛聽猶撼深杯酌豈辭菱塘理輕楫新影漾參差

等是桐花寄偏貪背日柯水搖新綠上雨送小涼過客

路猿升木官身鷺浴波炎炎排九夏塵面淨如何

極口爭何益冥心坐亦妨揮蛇金飾佩斷蟻水承牀酒

羨臨淄犒弓愁后羿張沈沈吕晦叔何幸得歐陽

繞郭芙蓉簇高軒冒樹開諸孫多暇弄一客不輕來強
派官兼隱終嫌性異孩安心萬山裏猶自累炎埃
倏忽過中歲頽唐漸不禁小眠貪簟軟偶步畏堂深病
奪談天口閒添憶舊心幸無娶忠嗣落拓感駸駸
炎曦過別嶺東屋清依然收桁倚庭角移花當露天白
生螢苑草青溢筍廚煙不想肯同詠疏窗一枕蟬

關秦錄述事

穿江繞峽來游民重勃其名姓則秦不知何罪本方犯
逃入西田之龍津龍津舊亦荏苒里作偏非自重勃始

因他推解沾漑多轉幸一時盜風止自言此身法網罹
旋有衙胥接踵至能得眾力相護持千里來奔願已遂
居人徒見盜難摧遂概指名爲渠魁彼且傾錢供眾人
何所不足劫人財若謂別懷不軌謀數十年來應出頭
胡爲結隊成羣過不見一盜供同流探聞所居如絕島
四面夾輔人不少閒來仍各散虜掠急則並力一人保
各衙胥吏亦爲用相逢半皆受恩重印紙未出聲先通
豈把魚肉當官送或言此事須動兵爲問師出居何名
踈州踏縣且勿論罪狀先難刑衙呈此時安然深箐寄

正如猛虎已酣睡惟有嚴密防未然不自擾之轉或濟
君不見昨日軍中邀上考纔閱幾時冥忽討天理煌煌
日降觀客誰借此妄弄巧
乍聽鴻音出禁城江船敦促趁春晴千尋若木排雲
立萬里長河背嶠橫傀儡登場同變幻崑崙截界劇分
明未應概作宮他待苦爲貧居問去程

署齊有感

何處還堪不寸尋官居無事卽山林狂風水定秋交色

皎月松穿夜見心異患每緣傷巧力初衷誰願托謳吟
客樓一局楸枰在爭共沙蟲恨不禁

秋柳

孤城斜日路西東一望梁溪在眼中照影全非初上月
吹衣都換北來風久拚弱絮成泥踏尙妬濃陰作幔籠
兩度靈和擬張緒亭亭猶自繫花驄

與鶯爲地燕爲巢孤抱靈根待臘遙一半詩情驢背續
十分春色灞陵消短松輕檜誰垂眼怕雨愁寒屢折腰
幸有丹陽識劉尹見人清德想丰標

年來處處做離筵忙到雙星倍可憐遙指川流皆逝者
重迎道左各皤然黃牛細犢空教拍蟬宇鴉園不耐眠
偃蹇如癡扶荔側閑吟春夢語嬋娟
新鷗摩漢雁呼霜天意籬邊恣晚芳落葉數聲添雜沓
寒菘一味共清涼歌聽勅勒英雄老舞憶邯鄲感慨長
一事抗人差不愧閱年深久抱材良

次孫保淳甫生百日忽失爲之愴然

疑疑復英英須臾變幻生無多老眼淚和雨向秋傾
病已入膏盲羣醫疊進方祇茲湯火力也要命宮傷

何物仇東野蒼皇喪此兒撫牀翻恨緩奇痛穉難支
來索知緣債偏於爾易償可憐右軍膝未及剖飴嘗
癡絕烏蠻路啼啼尙作存幸無多接面不望爾還恩
忽喜復何嘆元衣示涅槃收悲慰冢媳勿使地祇難
百日人間住微殊墮地時一家飄泊狀好在不會知
傳說張平子翻身是伯喈何脩如子未明月再投懷

萬劫立秋日過田州值雨空天骨熱率會眾宜人掛
衝鷗逐燕舉軒軒未覺蛩聲在竹根埽榻且延秋入郭
臨州竟共雨爭門雞糧噪啄誰禁鳥馬棧偕棲也要猿

一何葵心向天日何妨漏卧表威尊
萬峰如劍水如湯鵬鶚晴空天骨張率會最宜人住洛
清游還稱客居黃身希朱達嚴籠竹話泥崔升苦貯香
只恐愁深催轉促丹砂無力振痴腸

初秋舟中夜坐

夜靜倚船坐始知秋已歸蒹葭成影薄蟋蟀送聲微對
月看長劍當風試短衣江干誤盡客落落此漁磯
肅肅清如此乾坤見舊顏盤紆分路水雖脫繞城山失

鹿原頭合沈船夢側還分司署賓客那得許蕭閒

病中書意

孱身偶爾著炎霾屢進椒盤遣不開黑聚眼光飛霧入
紅攢胸海送潮來驚心老至旁加病歸咎閒吟苦耗才
急欲一焚歌向友何由句取道腴回

書卷菴閣集後並感

紺珠一串海狂按時復銜杯寄唱酬天壤清才全數得

神仙樂地兩回遊

梁溪筆記載揚州守芳燦扶此言公前身乃歐陽文忠

劫過風

雪心仍稚夢入鷓鴣氣逼秋一事羨公情較篤長阡終

老戀常州

愛我公然弟子行突來也共取茶囊坡生何幸重瞻范
門敢無緣久立楊竟閣卷施生字綠一軒鐵笛破崖荒
懷賢自是平生癖肯爲肥鮮抹豔香

雜咏

人心爲有知時多憂與懼吾欲埽除之一杯常在御奈
此方寸舍酒人不肯住一醉旋復醒紛紛千萬路
移迹煙瘴鄉悠悠又一載閒曹何足爲舊句成復改窮
荒寒不侵蕉綠長年在夕陽葉底翻滿屋發光彩

石壁四圍立兩手絕攀附大風吹海翻時亦九衢步可
憐路旁井瓦礫和泥注土瓶繫長繩往往汲者負
流雲墮瘴裏落落青不交山中百怪逞吐氣爲之包時
議究防隘俸錢分仙韶所恥但貨殖奚損王起操

田州道中

江水平如掌輕舩放恰宜官裝前輩覓旅食埠錢支酬
卧居忘陋貧依僕耐癡晨昏喜兒侍無況不同知

崑崙關

葱翠羣峰合蒼茫八姓環附邊猶有國問客祇餘關戟

立遮身樹鴉青繞眼山依依一片月曾送武襄還

賓州道中

雨不須春到田俱待火耕偶於農借屋多爲販趨城伏
水秧成狀充庖笋得名如何纔此宿已閱萬千程

瘡

雨暘不時陰陽錯蒸爲癘氣從空落草木鳥獸氣類各
強以投之旋且卻忽見人身虛且薄眾戶不填竅齊鑿
遂如大水赴巨壑穿筋繞骨恣磅礴始也肌膚生粟殼
繼乃瑟縮茫無著東歪西倒幾失腳有如凍禽立略約

頭沈眼黑形色乍疊將衾壓急進藥此時一心亂騰躍
盪胷掣肺手難捉渾身入水待不涸衣裳盡被宓如濯
忽而水盡換火爍烈烈商刑酷炮烙幸而突來不久泊
一場熱鬧倏寂寞調息且起倚枕角明日又至先許諾
彭家三子定連絡躲歸何處放人掠吾欲桃弧棘矢握
請命室神潛搜索鬼言公勿爲我虐我來於此爲公約
日者塵寰爭騰蹕陰風淫雨排天惡公爲名心一點縛
百般拚命就斧削眠餐坐立鬆鎖鑰日復一日氣積弱
兼以疲勞不停梢枯朽翻愁仗卓犖幸也靈臺神燭燭

遠召我來猶有託嚴脩局戶整城郭是其青精飯一盃
從古身患自身作物物傷人詎獨瘧一椀午茶自斟酌
醫至開方旋復駁側聞鄰官身不樂疑是我使至彼攫
我欲持此充扁鵲竊愁此法要素學

時蘇秋宇
總戎亦病

再賦一律寄顏竹溪

垂老何堪病更攢文移三日眼停看苦期汗出裘嫌薄
正值炎籠扇罷團借此安心原抗客笑他作崇總尋官

時竹溪先
病初痊

欲飛猶自憐傷在子瓜園和藥丸

附次子華賡作

窮鬼昌黎投瘡鬼景丹寄黑夜施威風入門假聲勢
始而水澆胸繼乃火滅鼻眼花白晝昏頭懸青繩繫
一日復一來令人難爲治披衣急起牀問鬼此何意
或者忌才多不使心光熾又或畏身馳縛束防驕恣
而鬼謂不然聊與汝遊戲平日逞筆刀勞勞傷神智
此心既已虛外物因爲累風雨不殺人吾輩安作厲
禍機皆自起既來且莫避試看杜少陵仿佛三年記
若非一病身更受文章祟幸得染此疾尤可作師事
願君懍兢兢出口勿快意我聞謝師言與爾結交契

瘡雖累及身心已得其利

題署中竹

一枝玉立忽成叢就日依雲指顧中遲此不歸知有意

防他饒守賤如蓬

生作琅玕品已殊交柯一樹亦珊瑚醉來嘯傲南窗倚

翠袖支筇瘦鶴扶

陞任全州述懷

倚桂依梧又五年撫心何事答

值敢冀冰銜徑寸懸相馬也知來匪易看花誰信愛無

偏到粵時曾新恩疊荷雲邊下一夢還追下榻先夢蒞此缺

灘尾湘頭喚要津船南馬北並橫陳人來粵嶠如門戶

帝在疑山是比鄰一令公然榮作牧百為依舊重親民

蘭塘竹堡尋前跡輾轉何曾換此身州近興安會先署理

紛紛苦怪侮官尊一紙臨郊草刈根佩璲有求難直己

耕桑無擾已沾恩人經蓮沼香風扇邑有春陵苦語存

肯把蛇區皆種樹何從含許望轅奔鳳山正

相傳威鳳此為家萬口爭將勝地誇頓覺盤堆都是肉

何嘗期代盡緣瓜顯張蜂目閒窺屋紛逐蟲聲暗泊沙

就此圖歸吾亦欲耐他饑口擁呀呀

巍巍天闕記纔辭口雉尾螭頭影又支欠俸本于司

缺議奉旨不從部失隅且補出身時鳳山五馬從蕪

起瀘水雙旌望閣移依樣畫來當眾視分明一段夙情

癡癡苦苦習習官官其其一一琳琳細細波波草草臥臥牀牀疑疑有有未未獲獲直直与

真談經濟果誰優徒勵鋒鉞與性讐寒蝶花邊雙翅縮

庸樗春外一株留騰身儘管科名假就道終殊徑竇由

底事一鬚偏抹煞對人苦要少年偷人來融融收收門門可

妙絕生平異夢稀燕臺一過壯懷違逢人翻是無錢好

入吏纔知不學非衣履習愁經宦長兒孫心懼背書歸

知艱幸有山妻共遇事猶能憶賤微

一聞真拜轉龍湫日預旌陽茗一甌響拍蕉窗添翠篠

香餐蔗境雜甘榴食緣未了空移腳路債纔償又起頭

喜得雨晴安客意炎南六月度如秋

有人以廣西何以出蝗為問賦此答之

蝗蝻產北方本與蟊蚱別如何有氣通蔓延到南粵僉

言大水後魚蝦伏地穴亭毒化此身夏秋出土齧顧念

江湖閒是歲永尤濶胡不聞飛揚拂膝害稼穡及聽鶴

林談乃知戰餘孽無路故鄉歸愴氣附殘血與接而爲
構形成並鷓鴣所以金鼓擊猶然布行列日昨郡南役
果誰肆猖獗士卒但防堵生還並無缺有何冤未伸爲
虐同旱魃總爲此難民憤積不得泄桂嶺狂橫衝柳堤
敢直決可憐收寺時危亡誰提挈奪爾萬命源要爾隨
我絕無已惟禱禳禱禳豈像設當立布施場建醮中元
節追咎捉刀者通名到帝闕或陽而爲譴或陰而爲罰
庶幾慰其靈大塊隨風滅

雜感

清泉立白石和勁各呈妙畢竟用有時難強所不好譬
如遇宣聖是水知音到一段無息心借水發閩奧設也
來米顛又爲石作鬧納之兩袖中珍惜勝寶盜顧思一
畫船半生寄歌嘯若非樂江湖豈肯險惡蹈亦猶不磷
品均荷聖神照何取復何棄祇爲用者效宇宙一和局
物生以萬號位置各有宜豈容我執拘盤露與椒雨苦
守一隅諫安得兩不存卽施以爲報

題故城賈氏未婚室詩

雪海怪風起鴛鴦忽異路窈窕望白日迢迢胡不暮身

已許何所歸言已出誰能追拋簪棄珥百不較徑着齊
服往門弔吁嗟乎此是何人家容吾今日亦戾止又是
何人未婚死只須一弔遂可已他日鳳凰別地非終是
良珠一顆遠自長沙遺在此誓將一璧從此終身雖不
接精神通伯兄仲弟一切晨昏未了事翻覺得此閒身
分任無餘功嗚呼孤鸞遷寡鵠墮如此一知不負有幾
箇盧家案畔賈家門我又送一傳人過

聞中分校李成四律

一檄驚城遣吏回深深鳳唳兩廊開山川慣促英華獻

風雨都含與會來

連日風雨大作

眼到看花偏值老心逢見獵

總難灰一衿同此倚閭盼

是科大子亦赴省試

肯作尋常亂紙堆

鹿岡高放早秋聲多少人忙是此行幾度槐黃塵轍捲

一江露白客袍生也知有命非權造可奈當場要技呈

虛擊短攻飄瞥至如何仍坐兔園迎

是科題不伎不求至是道也聞中多

為下句所窘難有合作

極口堂邊效挽推騰聲定價有歐梅都如沙白原奇夢

謂陳三元

但守榕庸亦茂才廈庇愁偏航續渡

大吏新刻寶訓遍教士子

經傳畏雜帳專開

近年另設經古一席延師督課

知他組甲乘潮上不

少潛鼇應釣來
曾逐羣仙會大羅
匆匆黑海廿年過
強臺已見千場結
皓首仍緣一吏磨
聽到霓裳琴筑雜
呈來蠅楷豕魚訛
不知擾擾攔輿視
又幾顏標幾卞和

閩中題獨秀峰

粵山如人擠到此
忽一讓欲讓不讓間
突起一峰抗殿閣
壓層巔滿空任詆宥
四面插萬笏摺疊作屏障
其下堂數椽摹仿鳳唼狀
桂花金風生羣仙
此停仗披荆采翹秀
撥霧發祕藏不怕到手稀
祇要似峰樣獨立郡中

間無背亦無向卓犖自有身
俯視誰可傍我來山下居
終朝盼山上有如面壁僧
羈繫不得放閒酌茶一甌
廊頭左右望秋於高處
深月較常時曠塵土紛沓
中何曾澗庾亮積蹄萬里
待時將赴京堆案百重忘

賈運生太史以尊人孟門遺草屬題奉答五絕
萬里長河千仞山一齊爭赴吏身閒
荒天役罷無餘事徧采琳琅並載還
一心如月耿伽邏墨灑天花筆放歌編就
牟尼呈佛看料應籠入袖還多

雲煙着紙尙荒寒宛爲房山作羽翰
不管前身僧是否
祇看一瘦已驚韓

儵然一曲古桐音並作瑤華寄賞心
怪底詞壇驚倒峽

謂蓮生孟門西望濬源深
接吏長聞荒天外
猶辨翰

君家門外水環流我亦攜琴汗漫游
羨絕清才兼厚福

名山十笏共傳留

曾宰北平

一朵山房詩集卷十七終

一朵山房詩集卷十八

貴筑傅潢星北著
男壽彤校刊

題梁丹谷參軍

鳳綸

射獵圖

聽鼓膺官傍午回齊肩文史亂如堆
一弓不肯輕拋手
爲自燕然走過來

卸罷雲衣換短衣平郊閒踏草初肥
此山亦是金銀闈
防有關蛇穴虎飛

萬法難收是此心中庭運甃座橫琴
更教得失都無著

一縱盤空絕勝擒

桂林旅寓

金風戰罷買歸舟一片鷗波展席留稚屋書聲無夜斷

華廣隨詩家樹圃得時遊來粵五載甫到李園樵輕絕巘行忘險

篙短平潭對亦讐欲借鄰簫與商略可能吹谷逗陽秋

時將有解餉之役艱於路費故云

退食彎跽靜掩扉閒齋盡日雨霏微病柯滿苑得秋起

栖鳥一窠分道飛時大子去鄉未回眷屬亦滯百色未至秀草新花驚座

改同官中多新選來者烏灘鷺嶺問官非文武官之同在羨他爽

健渾忘老五鼓旋興晚未歸謂巨川

遊李園並寄芸甫水部

拳山勺水郡城隈寒碧高簪髻一堆也愛勅依梅際泊

都隨風約洞中來虧他竟肯將官換嘆我猶然未客回

美蔭靈根天亦與無由乘力剗荒萊

銀燭金樽迭唱酬歌聲人影半空浮欣看日際秋飛鶚

與巨川賀那顧池邊午睡鷗絕好場逢偏拙飲無多事

升官之喜在祇餘遊微嫌久跨青牛出看竹倉皇戶漫投時芸甫水部尚

遊東省人與蔡目越取并同人良管王林德地

昭君詠

昭君詠

至美不輕出終感畫師好當時賄若成千古復誰曉
浣紗女人吳怒目城頭挾何人見君王抹煞此顏色

曉發粵江

一篙向江起觸目事俱非城盡遠峯逼春深荒樹稀日
穿朝霧出鳥別舊巢飛各有天涯役敢輕生計微

卽事

花開叢桂競飛觥一卷瑤華次第成眞得好山分一朵
茱萸何處憾浮生

歲暮野步

流雲帶寒重荒谷住常久路旁卧梅花沈沈若被酒眾
木無一葉烈風過亭吼相將坐野橋落落值林叟樹底
拾殘枝不知歲暮否倏忽漏斜陽滿背負紅走

丙申三月初十日余解餉赴京道出蒲圻假館於

董宗伯歇心處適爲雨阻留住一日既覽壁間題

句寺僧覓閑復以諮餘一冊見示爰依元韻和以

二律

等以身爲役紛紛敢厭喧惟教心略歇已似扇重翻絕
壁鴻留本雙溪雉紀恩平生亦耳食不想在空門

其一二

偃蹇一僧外巋巋偏雨喧似憐人不住直作梵來翻滿
座煙霞氣萬家天地恩何妨更掀淖緩緩入都門

江夏道中阻雨泊萬年庵

長沙到鄂渚記程七百里皇天降甘雨送客行不已湘
月杳難見嶽雲凍不起蔚藍潑墨污蘊隆灑膏洗桃園
成鏡湖麥隴窺秧水好錦迅撤郭良珠遍卸履步步縮
馬恣聲聲助蛙喜漏處掇柳寒打來拉篷抵敢仍當路
行急假半椽止入門似家歸對佛得岸艤點點泉猶躍

垂垂花盡靡伯夷問是誰尾生惜少此同享苦僧樂纔
知陋室美晴光曉忽開一鞭又從理

過雲夢聞許秋巖先生殯而未葬幾二十年頗不

四牡聲中跨鶴遊流光彈指廿年過魂飛香案空追逐

骨抱梅花尚逗迢俎豆且分先聖食箕裘豈墜後人謀

如何更泥形家說苦仗靈巒土一抔

題青過應山謁楊公祠

激烈本天性事到迫身起亦知事無益臣力祇能此茹

花掩日光豈復有生理齊口強申辯徒速文高死清絕
讀書處尚留一井水不須捐鷲貲終古七丞里

閒忙各異地吾乃一齊之兀兀車船中無殊在衙時平
生未了書偃仰讀且思思之忽有得亟以示吾兒何處
商所學親切有若斯斯云仕優學信乎不余欺

信陽卽事信林疑未主聚而未養發二十半
路入申息交置郵較北短平明戒行李到境日未晚離
郭三三里排此盡前館宿雲裏栖鳥衝突向空卷一刺

挾騎飛主人進午盞奈此羣從多擾擾頗顏赧須臾夜
涼生山雨來定緩吾行最畏滑一蹶不可挽

許州有述

我行許昌野滿目堆黃雲農人刈麥了酣卧百不聞嘆
息遊獵者當時何紛紛日出眾禽集一心常如熏躍馬
出洛水掉身趨鹿羣意態信雄傑匆匆明夕曛古木發
悲籟遠山橫紫氛蒼蒼一片土供人千戴耘

滎澤曉發渡河

平生睡不足奈此好遊何暗屋燃燈浴荒船並馬過奇

峯四面削遠樹一痕拖猶自忘頭白當風喚渡河

陳和軒同年到京以虎井再生圖見示爰題長句

兼以誌別

太邱大令人中龍分符劇邑披濛濛舡行虎井遭颶風
蛟鱷齊來掀艤艫自分不如鸞鶴聊安舳艫逃奚庸
兩手低攀舳不鬆滿面如紙髮如蓬奄奄欲絕魚險噁
宓妃弗納鮫閉宮忽然近浦聲隆隆撐篙搖櫂寒濤衝
潛隨響落尋遊蹤瞥見一人飄當空眾急負之升漁舸
旋烹茶進脫衣蒙坐定一望誰其僮茫茫都化爲沙蟲

可憐爲此官位崇乘危冒險趨樊籠世患偏嘗君慧聰
一重纜了復一重四面孫恩戰鬪証勢比河伯尤洶洶
杜預書生武庫充整妮貌貅先元戎屯聚澎湖月未終
廈門俄報縛精忠大吏錄軍績當封請卸令印襄黃龔
孔雀壓頂鵬蟠胸遙指魯邦遷匆匆菊花晚節何亨通
青衫溼淚朝日烘從此丈人峯外峯拄笏登之曷有窮
獨愁嶮巖履多恂況此舉步惟憑筇下視黃河飛淙淙
稍一失腳浮海同竊願趁此五馬功螺青象碧歸爭雄
一邱一壑安素躬我不取人誰猶攻此時握手鄉山中

我更慶君生再逢

將出京直督以博野交款未清奏留核算自就

道至竣事得詩四律

一聲霹靂旅魂驚頃刻煙塵繞足生絕似負逋遭吏捉
竟勞隘議拱垣爭偽珠厲舌奚難辨廣廈量身尙易撐
祇算一回尋舊夢重偕父老話前盟請隨令伯乘黃駟
尋思終怪去遊移別引狐心走入歧錢已券書幾悔借
人初面識便催離隔花蝶過含香重深樹雲飛帶綠遲
環顧遊門人六七何慳一坐不終時

自笑奕牀坐曠曠一癰爲患九人同虺消轉借何郎餅
鼠食偏遺屈突葱祇咎無緣官冀北居然成債繳樊洪
倚蓮幸較巢雲穩不受海南煙霧蒙
一橐金揮解繫維牽裾密語更何爲須臾儘作桓門忍
迢遞終愁鄭孺追技盡虎狼乘倦脫膽寒蜂螫遇甘辭
側聽眾口紛騰沸敢冀淫威遠獨遺

磁州道中

大風起平野老柳橫輕態餘木聚族立搏擊竟能耐一
痕南角山雨濯青不退卓午鋪長陰護此暘人背映田

值豐歲得秋常至再竭來又垂垂過隴客噴礙陂塘近
郭繞地陷橋尚廢策馬橫衝過荷香並歸載

出保定連日得晴喜而復感

雲行際日升側讓日華吐原隰久積潦一時受曬普客
行冀豫間坎窞幸弗覩鵲得秋起作隊晴空舞奈何
害稼蟲沿途翼尚鼓蔓延到棉花矧此黍與稌大吏責
收買傾錢如糞土迴首官是邪尙記罹此苦

用介鄴下偶題

一叢新議向陔摠歷歷名疆數姓呼終古一團漳水月

南歸豈止送飛鳥

旅興

蒼莽雲天萬里餘行程排日步徐徐南中默計驚魂定
一盞黃花出甕初

旅次書懷

軀衰氣常挫不丁耐遐征烈日填塗陷長槐矯客清倉
皇當路飯迂曲繞村行不覺輪蹄積迢迢又數程

行至葉縣館人以公廨爲店宿之

鳧飛騰仙館常假客膠橫埽屋兼雲落登門累雨迎眠

酣忘路遠佳小負廬精旭日東窗白勞亭酒又傾

皇宮欲煥古曲辭林海不覺神龍舞或或又幾球

雖安辰常對夕丁柳渡五原日動金甌是賦徵容前會

蒼翠雲天浦里籍口野將日步新新南中想情驚野安

一朱山房詩集卷十八終

書後

篠泉余同年友也榜發後彼此一見即各分馳故余不知其能詩而篠泉亦不輕以片句隻字漫示同人越數年曾賓谷先生撫黔因事入都問其所得何人曰有貴同年傅君出其賞兩茆屋未集相示就中有更易數處與向所寄予之原唱不符者曰此即篠泉與吾訂正之者也然後知篠泉之於此道已三折肱矣因思前此在都匆匆一過不獲以其所作求片言以次去取竊深憾焉癸巳春予守廣州而篠泉適以檢發來宰蒼梧此間

一水往來祇須四日時索其所作公餘展讀乃知此君固大有所懷非悲憤無聊鑄雲鏤月以自鳴其不平者也其詩以志爲主志之所不安者欲強綴以言而格格有所不入故詩凡若干卷而隨響應酬無情播弄者不少概見真酷肖其人質直淵雅望而可敬可畏者也夫詩之道亦多途矣有以神韻勝者有以才調勝者古今作者指不勝屈而篠泉以一手兼之一篇之中雖能自樹立而按之先民矩矱仍自不失尺寸蓋惟情深品峻而寢饋於風雅之林者又歷有年所故克臻斯詣而卓卓乎其可傳者也有客來言篠泉所至詩境與政聲並茂噫嘻嗜書癖就作宦心灰故紙時鑽新硯莫發而篠泉獨矯然若此是真能以吟咏爲道腴以文章爲廉辨者予於斯集又何間乎哉道光癸巳初春年愚弟桐城胡方朔書於羊城官舍

